

泉州府志卷之四十八

循績

明循績五

史朝富

李一德

盧天祐

陳彬

莊思寬

張瑞

駱惟儼

李士絢

王承箕

翁堯英

黃伯善

王時拱

泉州府志

卷之四十八

明循績

林桂

蔡黃卷

周茂中

蘇宗璽

傅陽明

李瀾

鄭良璧

黃廷楫

王宗會

何琚

曾承芳

史朝富字節之號禮齋晉江人嘉靖丁酉年二十一與其兄朝宜同舉于鄉榜名節之更今名癸丑復與兄並第進士授永康令邑無城而倭難劇屯仙霞嶺且闢金華



道胥江歸海距邑三舍或勸避之朝富不可率民兵數千至境上禦之部分而行黃教官亦從倭果疑不敢下由東陽取小道去狼兵數千索餉驕悍主者方坐堂皇狼兵湧至露刃坐側衆懼朝富從容諭曰若無譁安有使若枵腹赴敵者顏色自如餉旋給散去人服其器度丁內艱起除六合平易近民會景王分封過境供億不如意輒窘令朝富處置有方王舟不泊江徑揚帆而過地方省徵費數千遷懷慶同知適兄朝賓僉憲河南當引避改岳州有盜掠臨湘帑衆咎筦庫者捕覈得藏金

泉州府志

卷之四十八

明循績

二

七十鑑於婦禪中父子四人論死朝富覆覈之曰此非官帑物金色殊劣似民家販麻苧所獲者捕急謾藏之故生疑耳得從未減署郡篆與民休息衙齋不局先是殿工興購大木值踊甚比工竣猶存值二千鑑未發商請給不聽丐藩司判給又不聽椽爲之言朝富曰工興需木商故昂其值岳居上游給最先商欲飽矣今未給者皆非商有毋乃欲官吏叢分而溷我耶椽叩頭請罪遂籍之藏以待覈其後上賦有不明者役委之郡藩司曰史岳州給商銀數千有藩司判行而不染反利此邪

遷南車駕員外擢武選郎中出知永州府立法興制考
古右文築江華城改軍餉折色石六錢以四與軍而以
所贏之二爲建城費不需官民一錢永好訟動以殺命
劫財相傾冤或不白而黠者幸脫朝富嚴其出入十餘
年之案得平允俞將軍大猷征粵苗苗奔巡察調兵五
百戍之朝富曰未見苗而屯兵夫先自擾也卻之去苗
亦竟不來省齋糧無算在郡三載綱舉目修閒爲諸生
談說經藝士爭向學永郡有仕吏部司功者方貴談其
父入府拜太守車當門朝富扶其輿人吏部恚甚將以

泉州府志

卷之四十八

明循績

三

事螯之或乘閒語曰永民則德公矣貴人不釋憾也願
公厚金帛存問貴人父朝富曰吾寧以金帛投擲江水
中不與貴人父也竟以疾乞歸臨行而東安置局征商
之議起朝富力言其不可謂東安疲邑土出苧絲菽麥
商人逐什一之利藉得資生局開則稅重稅重則利薄
而商不至土民大困事遂寢歸而論學歌詩考正大學

古本年九十卒

閩書叅雲臺藏
藁六合縣志

李一德字恒甫號雲泉晉江人嘉靖丁酉舉人時年二十
一受業成均徐階爲祭酒以行吾敬故謂之內命題試

士作者但云行吾心之敬故謂義爲內一德獨云行者
推移轉徙之謂義無定在吾心之敬亦無定在轉徙推
移各惟其宜此便是義故謂義爲內篇中把杞柳湍水
之喻長馬長人之辯反覆數百言明白透暢華亭大異
之歎其識高天下遂置之首謁銓授陽山令地僻山中
接壤西粵狎獠猺獠屢竊發爲梗時方有大征之命一
德先輯民而後除盜以教化風俗爲首務作十五保申
法令民自譏察鋤去非類盜賊稍息立鄉塾教子弟詣
學宮進多士論文講學季試而高下之建雙鳳碑于學

泉州府志

卷之四十八

明循績

四

宮前以肇興人文士始向學邑苦州差督稅行捕所在
騷擾白于州守曰州邑公事乞移文置郵至期勾當上
報勿委差重民困從之遂著爲令總督王公奉命征夷
大師深入諸路各進兵陽適餉道之衝王聞一德名凡
經畧戰陣之宜一一詢焉爲按地形指陳要害與賊虛
實淺深之狀身率將士調糧食繼之是以屢戰屢捷不
半載猺患悉平復招撫其餘黨諭以禍福與自新如大
小蕉坑南北二水黃潭石角等寨咸遵約束捷聞敘功
帝加褒賚爲諸邑最先後御史交薦擢知濟寧州士民

攀留不獲立生祠祀之與唐韓昌黎明莊白里同稱三賢祠濟寧爲天下運道之衝漕河所駐官員雲集酬應紛繁築閘隄岸夫役皆取辦焉未明而出更闌始入衣冠束帶坐而假寐報至輒起應之其得坐堂皇訊民事則休沐時也一德恥于脂韋拙于鬪捷卽華亭處未嘗通一刺爲地故有齟齬亦莫之知竟以廉靜不苛調鬱沐州地方僻靜得以專心民事先是城垣傾圯致有劫虜之變至卽申請修復壘土砌磚疏城河引淤涸二水灌其中歲收魚利貯備修城費不煩帑金而城以完猺

泉州府志

卷之四十八

明循績

五

聞其陽山時名亦相誠勿開邊釁捐俸構齋廊射圃集士講學鼓篋人文大興是歲州南之泚有紫水湧出入謂文運瑞徵亭其泚曰瑞泉州故出葛申禁上供外不得借名混取自是送樣葛之例除甲子分校棘闈薦牘上主司皆奇之令搜他房落卷得士七人解首鄧全策出其房計最當受顯擢會協征潮寇兩臺疏請畱任俟賊平轉官州人喜躍踰年擢襄府長史華亭怪訝而命下已不可挽貽書曰與其熱而易竟不如冷而久長一德絕不介懷便道之任王稔其名一見禮重之有事必

諮有言必聽進寡欲節用開明廣聰六事皆嘉納使傅
世子迪以誠正修齊之道王大漸王妃世子欲以金銀
寶玉殉葬引古義力止之居年餘夢母弗豫大哭且疏
乞歸抵家未幾而母歿殯殮喪葬得如禮人謂孝感既
釋服營小園亭于居之前左自比綠埜額曰與造物游
移花蒔木養魚畜鳥招客劇飲食風弄月以適志八年
而卒

採景
壁集

盧天祐字以順同安人嘉靖丁酉舉人令永豐當嘉靖之
季分宜當國賄賂熾行直指行部率多訪惡人罰金具

泉州府志

卷之四十八

明循績

六

賂索永豐天祐第應曰無有縣故無城賊寇雲擾廣兵
袁彬等千餘人應召殺賊反搶掠爲亂縱橫閩浙聞天
祐刊木欄石塞蹊隧蔽關隘分兵防守有捕得通賊者
立斬之廣兵至聞其清德竟不爲害會當入覲直指以
邑遭殘破奏請丞代丞居下考中道遁去銓部以此連
天祐坐失官爲令七月耳歸而無以爲家永豐人祠祀
之

閩書

陳彬字子斐惠安人嘉靖丁酉舉人授餘干教諭羣諸生
析經講藝捐俸以資貧者隆慶中陞知荔波縣

惠安志
作荔浦

縣不事邊幅澹若儒生薄賦輕刑荔民愛之時廖尚種
黎朝馬等自相仇殺武弁邀功以叛聞制撫議剿之彬
力爭謂首事有主名不當玉石無分議不合掛冠去征
剿事亦寢荔人祀之名宦家居躬耕食貧一日方帶笠
鋤而客訪之不覺也問主人翁安在彬解笠釋鋤衣冠
飭賓位子雅樂舉人湖口知縣

閩書叅
惠安志

莊思寬字君栗晉江人左目重瞳每讀書片晷輒默記數
千言嘉靖甲午舉人戊戌進士登第後益聚讀古今書
忘寢食傾橐資鬻不足至解帶易之授鄱陽令重風化

泉州府志

卷之四十八

明循績

七

時訓飭平斗衡均徭賦寬積逋禁溺女建廟學興士類
時時以安分知幾教其民每出民繞車前後若依慈父
母縣亭傍植竹百餘竿每竿上隱然有壁崖竹三空池
荷忽挺雙頭花結實並蒂土民以方之虞城漁陽壁崖
思寬號也遷南戶部已遷刑部郎出守建昌書柳子橐
馳傳于壁以示僚屬僚屬相率為清靜卒于官百姓痛
惜之後三十餘年南城人邱澍來守泉顧其諸子甚厚
曰非私莊公孫子為建昌報遺愛也思寬能文工書兼

善寫竹

閩書

張瑞字應時惠安人嘉靖甲午順天鄉薦戊戌進士質直
倣古爲學至病羸困著有毛詩說初任齊東知縣改錢
塘有循良之號轉贛州判南雄同知入爲刑部郎終知
敘州府瑞一意爲民所至無赫赫聲當事者常見齟齬
故仕宦不遂敘有皇木之役力豁偏累積餘至十萬封
識題還歸家掃軌讀書崇約去奢與人交推誠無矯飾
有先正遺孀年七十八卒

閩書參
惠安志

駱惟儼字若思惠安人幼雋邁日記千言父綸爲邑宿儒
課之詞賦立就嘉靖庚子領鄉書晚授鬱林州知州革

泉州府志

卷之四十八

明循績

八

常例練士兵尤加意學校儀度峻整無敢干以私者不
爲上官所喜調鎮寧州尋遷桂林府判會征古田主辦
兵食事寧復畫策造鹽船通商至今爲廣右利始終廉
白大學士呂公調陽嘗語人曰吾郡有司不染民錢者
閩駱磬山一人而已磬山惟儼別號也

惠安志

李士絢號後齋晉江人嘉靖庚子舉人授博白令慨然以
人才風俗爲已任捐修學宮檄學博彭鄧二君董其事
築學舍於縣治之東扁曰養正書院集邑士百餘人與
講解而課其業出俸餉之易學不傳聘江左蕭生擁臯

比而自授以所著易說人文勃興猺獞密邇疆場邑民
戒嚴爲增陴深濠備之境內以寧歲旱跣祓而雨時澍
士民有雨暘應禱之咏有竊牛者戍連二人爲之請曰
一牛兩戍法網愈密民不堪命矣監司格之而請益力
僉憲高公賢其意卒如所請御史李公察其治行第一
檄典試事屢被撫按旌獎曰存心惻怛平易近民曰學
有原委政行寬仁曰信事允修士民敬愛曰誠實任事
惠利及民可以觀政矣丙辰以公事至蒼梧疾作自筮
得死卦曰某日數盡矣趣治殮具如期而卒年甫六十

泉州府志

卷之四十八

明循績

九

採常州守張
行吾撰志

王承箕字惟肖號紫南南安金坑人常寧訓導疇子受學
於陳琛嘉靖庚子舉人授沅州知州地劇而衝詢問疾
苦與民便宜州有疑獄荒村失火舉家焚死官以罪其
仇家文致已定承箕曰仇非大故何慘如此廉其冤出
之人稱神明進秀士品藻其文靡然向風是科獲雋者
三州有竹寨安江二水驛過客多陸走罕由之者或乘
船抵驛止索包折而已亟裁之州上路爲便水驛下路
爲舊羅驛二遞僅九十里過者勾稽符驗郵卒寄馬民

家不得去承箕曰不可中便乎減驛馬之半取三十疋
一州中遞撥上下馬得不困二驛便之州故有平溪清浪
鎮遠偏橋四衛月糧歲減各有完額後平鎮二軍苦不
足借支清偏二倉爲設法均之軍以無乏里正派給應
上司歲剩金若干不以潤私橐曰州縣正佐官往來廚
傳之供可無給乎賓至而壞館垣非禮也其以是充之
乃爲例州故無井官募水夫十餘輪直汲水歲給百緡
承箕相地掘井果得水夫額遂除裁革輿皂十之三省
歲金不貲扶人不上十楚或不任桁楊煦言噢咻之吏

泉州府志

卷之四十八

明循績

十

胥走卒誠無翫法而止餽遺不受持謝卻去醵贖斥佐
公費鬻宮官解橋梁道路漸次修治行之二年沅人安
堵以不能逢迎上意解組歸去日民爲遮道至家橐中
惟存金幾兩葛布幾疋年八十三卒子孫九十八人著

有式三言篇

採景
壁集

翁堯英字熙采號海門晉江人嘉靖庚子舉人授懷集令
邑介兩廣之交獠獞獷悍出沒不時至則築陂堰課耕
種罷無名之稅鋤剝財之豪上安撫經畧招恤十二寨
流民高敬梁廷遠等各占籍復其賦條畫便宜搗獠獞

之剽竊者不數月境內輯寧以德教易其俗刻忠孝二
經播之有兄弟析產而訟者歎曰習則使然教不明耳
繫一室同寢食日使誦小學孝經久之涕泣相讓爲兄
弟如初聞者感服相戒毋犯暇則葺學宮購經史令諸
生譚藝其中親臨課試手爲校定士競矜奮逾年獲雋
二人邑詫希覲會賊酋鄧才銀僭號震動兩粵郡守以
下莫能制部使者稔堯英才名特屬之且檄曰餉在庾
士在籍恣所自給不禁堯英曰無庸也單騎足矣遂日
夜策畫用閒謀不逾時縛其酋餘黨悉平事聞賜銀幣

泉州府志

卷之四十八

明循績

十一

滿考封父母名爲太僕寺丞時同官坐嚴嵩黨罷獨綜
寺事會庵答猝犯京師需馬數十萬疋大司馬楊襄毅
公倉皇調發無措堯英方病襄毅公突入撫之曰事急
矣卽病不可不出爲強起徵諸牧廐不給貸諸闈豪又
不給懸金募民馬咄嗟立辦襄毅歎服故事兌馬按籍
唱給卒索豢馬者不得則詭言馬款段譁不可禁堯英
下令先汰馬馬失芻而款段者扶圉人馬良而卒謬譁
者罪如之故得從容集事遷南戶部廣西司員外郎奉
母歸次潤州督儲侍郎徐養正雅相重爲書招之曰來

且虛杭榷場待君不應遂歸居踰年念母老卽投檄不就構祠宇置祭田祭器析田廬分兄弟之子杜門謝囂日與諸名公結社賦詩於諸史百家靡所不窺尤潛心易傳太極諸書所著有易傳節解太極圖說忠孝經釋聖諭教民歌詩文論藁年五十九卒懷集人登之循吏志祀名宦又數年祀鄉賢

採楊文恪文集

黃伯善字達兼號菊山晉江安平人少聰穎九歲能屬文讀書寓目卽記嘗憇道旁碑陰碑文千餘言所鐫姓氏復以百計有父老漫謂曰古人誦碑華再據三孺子當

泉州府志

卷之四十八

明循績

十三

幾讀伯善稍涉目便成誦父老大驚以爲神物也旣長家落稍營什一大困歸乃讀書靈源之紫雲室沈酣墳籍浸淫百氏自天官輿地僊釋稗家瓌說靡所不究暇則相攜登臨江石慷慨賦詩有空千古之致出補郡博士試輒冠領嘉靖庚子鄉薦初選昌化教諭至則爲談經課藝諸生向化學使薛應旂爲葺萬松書院鳩浙士俊者令侍聽講於是羔雉成羣會薛解職事旋寢壬子分校貴陽拔五人皆名士旋擢知舒城縣守法奉公除民疾苦爲人開敏朗暢縣中務無大小剖析如流一日

決事或以百計斷獄數語立辨每上官有疑獄朝檄下舒城夕傳爰書訊鞫論報未嘗不擊節稱善嘗曰我治舒未必等單父庶幾西門子國耳人以斯言爲不愧是時起三殿有石綱役督使旁午又淮泗河決道不通使客多道舒伯善區畫節縮民以不困性伉直不能脂韋取容時分宜相用事有昆弟子嚴某道舒恃勢恫喝伯善不爲禮郵亭中故有過客題詠嚴素驕題詩詆誹諸作者伯善命僕其題嚴爲氣沮驅車去之印馬御史蔣某按事至舒伯善不能遠迎鞠踞有所色授又佯不悟

泉州府志

卷之四十八

明循績

十三

御史恚曰令木疆者簡我耶於是微購欲中以文法未有所得旣而遷衢州府同知會守缺攝守其治倣舒而稍持大體衢故有上供緞三千其價直皆勢豪代爲關領市籍或不得半直緞率粗紕伯善以時散給公私便之時有開礦之議伯善持不可謂衢四通孔道地險民慮一旦示以利竇慮有他虞議遂格視事五月而御史蔣竟以前却撫蜚語論劾罷官歸家益思行其德於鄉數爲鄉人排難解紛尤急於宗族族中指以七八千爲紀綱約束之獎其賢者周其貧者誠斥其尤儻莠不類

者族人多化焉閒為不義者輒曰毋令菊翁知之望見
即避匿嘗治別業城東傲香山故事結里中耆碩往來
酬唱其閒老益耽書學無所不窺而精於詩及聯對王
慎中少許可至伯善即遜席曰此物自君家長技所著
有菊山文集菊山詩集讀書彙記連枝集詞對雜體諸
書藏于家年八十有六祀名宦鄉賢後以孫貴贈太子
太傅禮部尚書子二長以時湖廣布政司理問次憲清
舉人廉州府同知孫汝良會魁禮部尚書汝為舉人曾
孫慶增舉人慶華舉人翰林侍講山東道監察御史

楊文

泉州府志

卷之四十八

明循績

十四

恪集參馮時
可傳河干集

王時拱字曰臣號印洲同安浯州人嘉靖庚子舉人榜姓
林復本姓時年甫十九選授杭州通判所部儲峙供億
事極鹽米而豪猾吏巧為乾沒宿弊如蠅至則多布耳
日起發弊端徐為條教搜剔之異時賦入賦長輒先饋
王者以為例時拱曰如此官自乾沒何以禁下痛革之
吏乃咋舌不敢動民樂輸將已而歷署仁和富陽錢塘
海寧諸篆皆有政聲而富陽節約愛利尤多民尸祝焉
浙苦兵乏儲一日健兒脫中叟叟道路為請便宜發帑

金以給當事者讓之時拱曰帑金易集耳卽有他虞帑
金寧足愛耶卒白大吏許之譁伍靖讓者乃服其識巡
撫梅林胡公檄委團練鄉兵日夜訓督卒乘服習課績
爲最薦於朝璽書賜金擢廣信府同知閩浙孔道游寇
出沒飭扞扼惟謹有山東劇賊二十餘輩將入閩爲亂
詐稱應募乘夜闌入城廉其狀令游徼給食謾爲好語
存慰之約旦日給牒遣行而潛使吏掩捕比曉已執送
庭中無一脫者礦賊連結倭寇由贛內訌信州攻陷永
豐玉山二縣且及貴溪貴無城民傳警各鳥獸散時拱

泉州府志

卷之四十八

明循績

十五

署邑篆乃多方倡率勇敢守要阨險設伏置疑十餘日
邑賴以完旣而援兵至敵皆殲焉城貴溪度宜鳩工督
役不數月而城成至今賴之奏聞復賜金蓋異數也在
任凡五載值太守入計攝府事比守回已交篆而是夜
府署火仍引爲已責竟以此報罷歸念浯州孤懸海島
儻居晉江安平堡更治別業於水頭村奉父母婆娑燕
喜閒攜漁樵籜冠葛屨散步溪山酌酒賦詩洒如也父
母各逾九十時拱亦七十孺慕益篤待二弟尤摯愛旣
居安海丙舍腴田在浯州者槩割畀之仲弟歿更厚恤

其孤後爲親治壽域於浯州湖邊以旁二壙自擬曰吾
魂魄歸舊邱依親徜徉爲快耳

採河
干集

林桂字以奇號雙洲晉江人嘉靖庚子舉人授遂昌教諭
以身爲範矜重整肅諸生敬而畏之四川廣東兩膺分
校所識拔皆英俊擢惠來令邑褊小瀕海自甲寅倭亂
後洵懼戒嚴至則巨謀纖計諸嬰城應猝叢務必求其
便民者而後著之令適郡守欲率以科護郡治桂曰邑
於郡輔車也車能載輔輔撤適足自寒胡能障車太守
動容罷其議閩將提兵赴督府應援所至鳴張命典史

泉州府志

卷之四十八

明循績

六

犒之郊關不容闌入市闌將校銜之及亂息城完闔邑
懽呼謂當立考最竟中讒閒解任逾年補寧陵令寧與
睢州並隸歸德民屯二田阡陌交錯累爲侯衛侵牟乃
洞覽簿籍戒徒舍郊親度頃畝正地比訂版圖覈田以
制賦等賦以均徭而館傳亦因以釐於是祠廟壇壝次
第繕葺立鄉校興教化選明經飭行者親爲摩肌訂藝
其所遇以國士呂黃二人皆列名卿丁內艱歸遂不復

出云

林氏
家乘

蔡黃卷字于省晉江人故名黃圈生時胎衣之色黃故父

以命之後學使爲改今名黃卷受易於陳琛精其學善以雋旨妙義教誘後進嘉靖二十年以貢授睢州訓導用孝親敬長忠信篤敬訓迪士督學使者置優劣二籍別諸生黃卷持不署曰所名劣士非劣也貧也吾不願吾黨有此名抑平原獨無何害開封倅選軍睢陽指揮誤以諸生充伍諸生詣指揮辯之力指揮怒白倅倅謂其撓軍送至學宮學官曰宜責之以謝黃卷持不可旣用德行表士其卯翼士無不至士益歸之轉汝陽教諭識趙賢孔惟德於諸生中其後賢至南太宰而惟德來

泉州府志

卷之四十八

明循績

七

爲泉郡太守適黃卷以唐府教授歸爲鄉表正不賀也惟德率同官往拜黃卷門乃見自答禮外不復謁其後率以朔望同官省候至則二破竹胡床而已惟德或乘閒請示蓋望其爲邑子請者黃卷曰願公愛民如子老夫聞教多矣永寧城陷有指揮王國瑞當連坐重辟惟德來問黃卷曰計逼莫支耳法無可貸情有可矜指揮竟得生旣聞齋百金爲壽愕然曰吾爲理爾爲利耶指揮感涕叩頭求納至出血竟峻麾之序班王某事發有構藩參罔卿者偶答曰王氏一門貴盛毀者多宜徐察

之孔乃釋然王亦始終不知睢汝兩地並祀名宦族孫

思雍

閩書叅李鹿巢文集

周茂中字伯冕號杜林晉江人嘉靖癸卯舉人選授四會知縣巖邑盜藪逋賦囂訟至則定要東先德化計歲賦均爲程省其火耗輸如程者有獎而差次扶其逋負者兩造至直枉片言而決輕則遣去重則以所坐罪之無或株累隣邑廣寧其民新就撫者有雀角恒越境求直卽麾之必質成乃已過市人或斂肆輒逡巡語曰周大夫故吾父母吾安敢犯爾一芻其德感如此願持身持

泉州府志

卷之四十八

明循績

十六

法峻甚丞有莆人者倚同里以私相嘗正色諭之曰齒以焚身復可鼓餘燼燎人乎僚尉並畏之如大府有豪貲生席伯父官餞橫里中前令置不問茂中廉得其腹心爪牙捕置之法諸豪伏匿會新郡守至頗獵賄屬邑以葺署宇爲媒責其供數倍茂中曰吾不能以賄事人迄無所應守恚甚日陰螫之而豪貲生遂望風訐詆守力左右之復慨然投袂曰杜陵男子何必蕭育不賣緣求解也竟枉坐去官歸茂中篤於至性而淡於塵情晚年嗜養生家言讀黃庭經叅同契悟真感應諸篇咸有

註釋治塋錦安山旁構丙舍客至觴咏竟日或角巾藜
杖徜徉塋畝閒偶值藍縷老人輒覲面而譚遐想冲舉
謂神仙可旦暮遇絕葷辟穀幾五載臨歿更衣易簀神
色不變子良寅隆慶辛未進士浙江叅政

蘇宗璽字敦信號竹崖晉江人嘉靖癸卯舉人授保昌令
百粵衝衢水陸旁午歲飢民皇皇待哺下車詢疾苦爲
省繁費均徭役有老胥盤據與奸人爲市僞造鏹以牟
官貲廉而置之法諸胥肅然簿最之暇集諸生課以文
藝章分句櫛如誨子弟奉檄按肇慶郡帑儲時郡大吏

泉州府志

卷之四十八

明循績

十九

某子甲侵官帑八百金有左驗以法案之彰其狀郡大
吏坐法而宗璽亦以萋菲左遷已復遷襄城令俗敦愿
尚耕織盡寬一切文法惟以經術緣飾臥治之廣厲學
校如保昌自是文學彬彬擢瑞州通判職司征繕治崇
大體申明約束境無萑蒲直指委以試事所推轂號得
人告歸抵家飭祠宇修墳塋割貲以遺二弟里有孝子
莊某賣卜養親貧不能完家室首倡縉紳助其婚娶不
二期而舉一子家居不能加二簋一羔裘三十年寒素

弗殊也

採三餘集
叅景璧集

傅陽明字際熙號晦吾南安人嘉靖丙午順天舉人爲從
化教諭修 文廟治祭器卹貧憐才作葩經通解以教
士遷南陵令節浮費卻例金治獄稱平莅官七月適冒
風露之疾遂告歸士民相率保留有稱其四知自盟者
有稱其五刑不用者有稱其寬平鯁介者有稱其醇樸
智慧者有稱其里中節縮者有稱其獄訟平允者而歸
志已決卒莫能挽既抵家惟與同志聚會談古今不促
膝郡縣老而思親不替事兄益篤鄉人化之子履禮履

重履階

閩書叅傳
錦泉文集

泉州府志

卷之四十八

明循績

三

李瀾字子觀號中藍安溪人嘉靖丙午舉人事父母至孝
居喪號擗如不欲生兄歿諸子未長瀾子之平生所爲
在倡義舉恤貧乏割私田以充公祀時時捐橐金佐其
族衆婚嫁死喪之不贍給者郡人饑出粟數百斛賑救
仕衢州通判搔除乾沒里胥不得營窟穴錢穀中相緝
染攝郡篆署龍游常山江山開化四邑獄訟衰息政教
流行以不能事上官爲所媒孽瀾方送織造畱都聞菱
菲語卽拂衣歸里斂簷帷偃蓬帆從衢城外過衢父老
日攜壺漿江干待李使君莫踪跡也瀾去旣入晉江黃

鳳翔宿衛郵邸問郵卒異時李使君治衢何如卒曰清甚宗伯曰使君家故饒無藉衢爲肥也卒曰夫欲富者詎有涯哉自是李使君不欲耳鳳翔笑領之曰當於古人中求之子棻萬歷癸丑進士

閩書

鄭良璧字世崑號湖林晉江人嘉靖丙午舉人署教會昌月三課士身與對壘賑其貧不自存者陸中丞重其文學檄至郡鳩二十餘庠才士委良璧課督又數咨良璧時事輒中中丞指以是得超遷潮州推官平反不苛一本仁恕委署潮陽恤民困裁冗役興學教士創尊經閣

泉州府志

卷之四十八

明循績

三十一

拓張許雙忠祠潮陽人像祀之繼署揭陽潮方苦兵長吏數易會閩兵逐寇至揭揭無見糧良璧皇遽備儲糈立辦約束帥出境無譁者復署海陽皆有善政被中歸良璧天性孝友少孤鞠於堂兄東陽事之如父不敢與雁行歿爲持服三年家居朔望入宗祠鞭朴子弟之無良者而不藏不宿未嘗有所修于家難之怨卒祀鄉賢

孫之鉉

閩書
集克薪堂文

黃廷楫字才遠號仰槐晉江人受業於蔡東洛易愧虛嘉靖丙午舉人授處州府推官精心讞獄民稱不寃值倭

警悉力保障青田遂昌閒賴以無虞丁內艱起除建昌
推官署南城令郡守張懷譚公重其才歡若兄弟張以
擢行攝郡篆吏民益加親凡版籍文卷理析絲分必詳
必慎聲蹟蔚起晉均州守州有太和山薦幣設場無虛
日諸司麋至虔恭應之禮有敘而民不擾他治行如江
浙覲行以江右浮言左遷貴州通判至則兼署郡邑聲
望日起擢雲南提舉處脂不膩甫及期卽掛冠歸廷楫
名誼自持歷官所至去而民思性好涉獵自經籍以迨
醫方手錄成冊晚尤慕趙特峯公家學趙所纂子史經

泉州府志

卷之四十八

明循績

二十三

濟錄假而抄之竟疾猶弗輟年六十一卒

採雲臺藏藁

王宗會字賓之晉江人嘉靖

丙午舉人
癸丑進士

起家大理評事轉

寺副寺正明恕詳讞每多平反其未遇時受知於郡守
程秀民及入仕秀民身後爲里豪所齟齬宗會爲直枉
衢有柑橘之饒宗會捐百金買柑園一區供程祀程人
名曰王氏柑有權相欲羅致門下宗會不就邇回冷署
者十餘載始轉廣東僉事尋卒官

閩書

何瑀字佩甫晉江人嘉靖庚子舉人丁未進士授刑部主
事職司提牢哀矜切至視護周旋楊繼盛以諫得罪繫

獄時琚之同年以次提牢矣其人希權相意嚴切閉禁
卽藥物微鮮輒拒不通琚屢爲請不得歎曰世有匿媚
事人至此乎徑入獄見繼盛慰藉之繼盛大駭曰公不
顧禍福乃爾耶適同邑史朝賓爲刑部郎以輕擬繼盛
罪觸帝怒降州判琚復往慰藉之遷員外郎卒於京閩書
曾承芳字英遇號龍山惠安人嘉靖癸卯舉人丁未進士
授鄞令斥羨金除宿蠹時倭蹂江南承芳急繕城堡俄
海上黃巖諸旁邑皆被陷鄞獨完鄞人爲立生祠以最
擢監察御史烙馬順天行裝三夾時呼夾板御史竟以
泉州府志

卷之四十八

明循績

三三

疾歸抵家值倭寇之後疾疫盛行棄屍暴骨如莽捐貲
瘞埋人頌其德卒年四十八弟偉芳閩書叅
惠安志

明循績六

李春芳

朱安期

尤烈

李繼

丁自申

蘇民

郭良璞

王三接

黃大節

蔡民望

李繼芳

林會春

莊欽止

黃森

莊士元

邱有崑

江萬仞

林富春

戴一俊

黃一桂

鄭一濂

陳子佐

林叢槐

張應星

蔡存省

鄭道興

杜業

沈維龍

蔡一槐

歐陽模

泉州府志

卷之四十八

明循績

十四

蔡萬

洪有第

唐堯衷

李春芳字實夫號東明同安人嘉靖庚子舉人庚戌進上
 性警敏年十二食餼十六領鄉薦聞羅達夫倡教師事
 之居官清苦初試戶部奉命犒大同軍故事凡遇部使
 至輒具豐儀為餽春芳一無所持而去授刑部主事執
 法不阿卹刑江西有懷金至者正色拒之奏報稱平出
 守潮洲省訟牒蠲贖緩適有倭患軍務旁午春芳峙糗
 糧繕器械募敢死士激以大義明紀律冒矢石潮得無

恙潮人祀之以母喪歸與郡弟子論道講學年四十二卒祀鄉賢著有白鶴山存稿

同安志參
清白堂稿

安期字士和號肖簡晉江人都憲鑑之後嘉靖庚子舉人庚戌進士令清江嘉惠學校政尚寬平里中徭役務均訟有可原立釋之法弗輕入語具臨江府志名宦籍中陞工部主事慎勾稽謹出入杜中貴請託議鋪匠諸役毋多紛更極爲部尚書獎識歷轉虞衡司郎中代同舍郎督吳中輒厥事竣出爲四川僉事備兵安綿道時夷民相安地方寧謐安期親視其地治民繕糧著爲成

泉州府志

卷之四十八

明循績

二十五

册以便永守轉貴州參議未行直指候代境上以其謁辭獨後銜之被劾調廣西僉事備兵桂林道過清江蕭灘民遮畱信宿焉抵任值流賊突進城中劫藩庫戍方面官安期急提兵斬捕方擬疏薦竟以四川拂直指事報罷抵家戶庭蕭然門無雜賓郡邑大夫延致修泉州府志永春縣志其餘撰著甚多如壬子南州甲子西粵兩程書半出其手有詩文集若干卷孫慶餘梓之

舊志
參景

壁集

尤烈字子偉號思所晉江人嘉靖癸卯舉人庚戌會試第

六人成進士初授祁門令出入惟單騎一隸諸冗費皆
裁去歲省里甲三千餘金訟隨到隨理或於廟中樹下
立爲剖斷胥吏無從需索民有官清吏瘦之謠餽遺悉
屏苞苴盡絕爲政剴觚稜破常調視民如子待諸生如
弟子暇與諸生談藝嘗竟日或閒行各館地省其勤惰
常賚錢酒出郊外勞力農而鞭其蕪穢者時旁郡飛漕
白糧隣邑擬任之烈獨毅然脫冠以爭事遂寢清軍使
者多斃人杖下行部至祁烈委曲調護全活甚衆興學
校表孝節編保甲除盜賊擢南京都察院經歷去日止

泉州府志

卷之四十八

明循績

二十六

圖書一束民泣留遮道四鄉立碑志思東曰東陌留春
西曰西方美人南曰南棠遺蔭北曰北道清風仍立祠
于東七里祀之歲時修葺入贊都察院法紀嚴肅晉戶
部員外禮部郎中出爲江西僉事連遭喪服除仍補江
西景王之國出境上中官索傳急以手批烈遂投袂歸
起雲南叅議竟辭不出烈居官廉歸益貧甚然性甘澹
薄不問田宅飄飄鶴翥棲遲諸巖岫閒最後寄傲東禪
菴牆蒿床爛餐裂縷人爲不堪甚至借宿田家藁秸倉
枕藉芻中亦臥起自如其廉立始終不渝當道守令高

其風嘗枉過之邑中會試生道逢祁門人屢詢尤公尚在否又言祁門歷任雖有祠其不當祠者去輒遭毀惟尤公祠巍然長存父老過之每泣下所著有三時私識

舊志叅閩書江南通志
徽州府志崇祀事錄

李纘字存孝晉江人嘉靖丙午舉人庚戌進士選戶部主事丁艱服除補禮部精膳歷祠祭郎中時四方紛言瑞應肅宗常夜半趣禮官具儀章謝天貺表賀具儀多被呵問手抹惟纘所奏輒稱旨會有都御史某卒軍中其家人來請卹於例不合纘持不可他日嚴嵩持巨觥於

泉州府志

卷之四十八

明循績

二七

直房酌纘此觥乃中丞家人子所致也同僚謂纘宜三思纘曰國家典章豈相公能以意軒輊竟不與嵩怒遂出纘爲景府左長史時景王初之國諸從官中貴人勢張甚所至魚肉途次及其國中民纘數諫王以法匡繩之橫者廼戢未幾王薨名爲鴻臚寺少卿尋罷歸纘仕宦旣不遂居恒灑落結小園蒔花賦詩自娛終其身焉

子夢麟瓊州同知能詩

舊志

丁自申字朋嶽號槐江晉江人嘉靖己酉庚戌聯登進士授南京工部營繕司主事進虞衡郎中中貴人欲乾沒

錢鏐以法裁之不少貸出守順慶三年調梧州性嗜書南中閒曹無事多購古文奇書數萬卷昕夕繙閱宦游邸舍載書自隨爲文出入歐曾之間居官以振救平反爲主順慶困採木之役閩里彫敝緩征寬徭戶有逃亡者覈除之某子甲僞爲篆將識其私券籍未果而乙盜用之事覺坐二人死自申曰造者不用用者不造悉論從末減歲飢富人閉糴夜數十人劫取其粟官當之劫盜律其實姻也自申曰是爲親相盜况閉之糴固可貴矣令歲稔倍償之均感悅去龍州夷酋爭界相讐殺奉

泉州府志

卷之四十八

明循績

二十六

檄同保寧守訊之僞懼擁兵自衛保寧守請具甲冑以從自申單車抵其壘酋皇恐囚服謝罪大竹盜起密授邑簿李宗明方畧擒獲之以惜笑名其堂曰懼左右中吾一笑而探吾私也及至梧梧爲督臣開府鎮百事蠅集關決于守應之如流會大勦猺寇將領掠平民爲功俘至今妻孥自識別驗實縱還所全活無算自申所至以循良稱而性抗直恥爲姍媿態某僉事子上舍生託省覲來順慶頗通所屬餽遺自申弗爲禮曰君子愛人以德耳鹽亭令受賕事發有力者爲居閩監司亦陰授

意旨自由不爲動竟按致之法故於上官多迂歸而杜
門讀書撰述益富扁其藏書之堂曰希鄴爲文記之所
著有三陵稿以生於溫陵而宦于金陵嘉陵也子日近
孫啓濬舊志參閱書

蘇民字利見一字崇儲晉江人嘉靖己酉舉人授順德教
諭丁內艱服除補高明獎誨生徒未嘗苟取贄餽遷長
樂令廣中賊蝟發惠潮閒盤據山谷中數歲民至曰吾
先教而後從事法與武乃盡召城內外民與言敬老慈
幼各務本業毋舍稽事入我縣門健於訟者吾治之旣

泉州府志

卷之四十八

明循績

二十九

爲民聽訟率旦夕與解一縣自清胥椽皆叩頭求去典
史某善侵漁而巧媚結瓦全十餘年首按其贓罪劾罷
之僚屬皆驚逸賊楊子亮久爲害帥僞爲俘獲廉其不
實別圖形統帥竟馘之御史發訟牒不實封還其檄李
官過縣索廚傳奏記上官裁其格居久之督府欲興兵
除賊下問賊所據壘皆安在欲入賊壘道何從令其行
視之卽以對先時督府嘗遣一別駕偵賊被賊畱至是
民單騎往視彼中民築壘守賊賊亦壘自守犬牙錯也
民晝夜穿行其中百姓以壺漿簋脯請民入壘倒闔而

陳食悉哺啜拊循之皆大喜因一一籍記其姓名老稚壯誰陷其壘孰久孰近而所行規賊窟穴凡壘三百有奇盡得其要領乃徐叩別駕所畱壘求之賊出別駕卽亦有投書縣中者我等皆好民爲無良有司至此公父母我我等不敢復逋播民悉召赦之而以所得賊要領具上督撫督撫使帥往勦帥如民所指畫盡平之俘獲二千餘帥與監司上功督撫督撫下民驗實帥贈民良劍寶鞍及他諸玩貨麾不受出其故行民壘籍記所陷賊姓名老稚壯孰久孰近者俘能對如籍記則悉釋之

泉州府志

卷之四十八

明循績

三十

不待上記及日中釋者數百人盡歡散去監司聞大駭中事召民曰吾已上功督撫曰俘二千安得使我食言公知讀書耳何知爲令民沈思良久曰當有以實大人驗得者令請分繫之繫再月日卽亦謬報曰先後庾死監司曰善然卒心怒民第不能中以墨卽曰拙催科而傲其上民遂亦自免子琰進士有學行文詞

閩書

郭良璞字卞玉號抑庵晉江人恭子嘉靖甲午舉人庚戌進士歷官瓊州知府有惠政部民有富寡遺腹一子族人謀奪其嗣賂以金數千峻卻之判令寡存撫其孤謝

事歸時寡已死矣忽夜夢寡抱一子曰公存我藐孤我報公以貴子於是子如楚生焉年八十九卒

郭氏家乘

王三接字允康號晉齋同安人未冠領嘉靖癸卯鄉薦庚戌登進士授南戶部主事簿書稍暇輒與同志講學分司鳳陽調度軍食力剔乾沒積蠹羨繼千計悉封送郡帑復權北新關征繕求足額而已建安李默家眷過關擅開關門三接追而窘其奚奴默因此益重之會倭寇軼三江畱都戒嚴改職方協司郎中擢守韶州洗畱獄雪無辜閱宿牘察下情旋病卒年三十二漬甚歎曰某

泉州府志

卷之四十八

明循績

三

生平不敢爲不善有志天下事今已矣韶民縞素哭踊如失所生櫬歸囊橐蕭然無錙銖之遺三接天性孝友敦倫睦族與人坦夷不爲矯激之行聲色貨利視之淡如逾壯而歿時咸惜之

閩書叅同安志

黃大節字克完號中田南安人嘉靖甲午恩薦癸卯舉順天鄉試兵戌成進士授戶部主事司淮安倉出納廉慎暇與丁壯習騎射適島寇突犯淮安大節上策於漕臺鄭端簡公禦卻之遂奇其畧擢台州知府台中倭彫瘵甚大節一意休息以軍興忤當事意爲唐順之所劾歸

大節弱冠時讀書金溪夜有女妖渡水逐之遇老人而
止半山亭逢虎搖尾而逝私心喜負迨仕歸貧甚其父
贈塋大母貞節棹楔皆稱貸自襄奉繼母張生母王尤
篤孝煦濡嫡弟痛懲苦僕鄉人稱之

南安志

蔡民望晉江人嘉靖壬子舉人萬歷閒任贛州府推官簡
默謙慎聽斷公平庭中清肅著篆各邑摧稅兩關俱一

塵不染終尋甸州守

贛州府志

李繼芳字克弈晉江人嘉靖壬子鄉薦授六安州學正時
唐順之巡撫兩淮召之講學閒談時事大致鑒賞擢乳

泉州府志

卷之四十八

明循績

三

源令嘉靖甲子粵中大羅山賊流劫至縣時大動官軍
征勦繼芳牛酒犒師激以忠義百計捍衛將士感奮所
向克捷陞刑部浙江司主事轉廣東司員外尋陞貴州
僉事備兵思石水西土酋安國亨爭立構變繼芳力主
撫議安氏懷畏終繼芳任無敢譁者後以貴州叅議致
仕壽八十餘繼芳醇深有度簡靜自守老與親友款款
竟日與處者皆得意忘歸歿祀鄉賢

閩書

林會春字景仁惠安人嘉靖壬子舉人隆慶四年知新會
縣性耿介有智畧發摘如神時倭陷廣海衛危及新會

會春乘城葺備累石豎柵捍之仍檄居民各自爲守倭
聞引去先是夷舶駐崖山山有宋丞相陸公諸忠節祠
毀汙殆盡會春表崖山并哀歌亭義士壇飭之又錄陳
白沙後裔查復祀田邑有奸民黃恩寵等以其子椽藩
司持縣長短而身販掠良家子女與夷舶市或操刃雄
行里門會春窮治以狀聞藩司并其子收之邑民大悅
復行鄉約嚴保甲設捕兵禁賭博詰盜掩骼不遺餘力
造新城未就以治行第一賜宴禮部尋擢戶部主事以
病歸卒年七十一廣海新會各特祠祀之子機萬歷乙

泉州府志

卷之四十八

明循績

三三

未進士未試官卒

舊志參廣東通志惠安志

莊欽止字日知號定齋晉江人嘉靖壬子歲貢授江州訓
導調德化陞湖口教諭廉州教授所至講明經學橋門
環聽毋課諸生文義品題高下無不傾服不問東脯時
捐俸作月課有莊夫子之稱性喜登臨其在江州頻偕
僚友陟匡廬賦詩寫興在湖口上鐘下鐘二山亦時酣
適每有署印權稅之委輒辭免樸魯直躬不能作脂韋
態嘗之廉州途遇右布政薛南塘公與之抗禮忘其爲
屬官也南塘雅相重竟力薦之中丞熊北潭亦薦剡陞

南京武學教授未之任旋陞虹縣知縣報至不懌曰吾性瀟灑不耐鞅掌尤不能善事上官令非吾任也任虹二載冰檠自持不取民間一錢卽備用綱銀亦貯之庫不以自肥卒以不能逢迎上官拂衣告歸與諸名公攜壺觴弈棋爲林下遊二十餘載兩請鄉賓卒年九十七

探霞樓
藏藁

黃森字叔喬惠安人父漢太平學博森劬學治尚書有聲嘉靖庚子舉人癸丑進士爲江西浮梁知縣值大旱齋祓步禱未三日雨澍年大穰邑善訟森爲剖決民稱不

泉州府志

卷之四十八

明循績

三十四

冤葺理學宮訓課諸生婚葬有給嗣是文運蔚起邑士閔文卿金達相繼試魁多士皆森作輿力治譽稱最陞南京戶部主事尋丁父憂服闋補工部主事殿工方興森綜理有條出納無耗竟爲權貴所忌出爲岷府左長史歸杜門講修真煉養之學怡情方外年八十卒

惠安志

莊士元字君聘號仁山晉江人童年端重閉戶下帷言動具有繩式人謂莊家顏回嘉靖癸卯舉人癸丑會試第二人成進士授廣德知州輕徭省訟勸禮興學農隙料丁壯繕城堡時師尚詔寇中州渡河而南州以有備無

恐其仁愛清約與前守歐陽德並稱轉刑部員外郎值
已未會試檄入簾得邑中士林奇材亦列名第二而王
世懋敬美入其彀中給事吳時來以劾嚴嵩逮詔獄士
元爲理欲全貸之吳曰非德愛也免死幸矣乃擬戍嵩
怒甚持奏四日不下畏公議不敢格轉郎中預有江西
督學之注會當慮囚得命東廣稽簡書敬刑獄披閱招
詳凡死中求生者若干人以勞勩卒於化州年止五十

開書叅
三陵稿

邱有崑字孔觀號克泉晉江人年十七有文名太守俞咨

泉州府志

卷之四十八

明循績

三五

伯較士得其文歎曰天下士也拔置之首知其未受室

爲遍贊縉紳閒得侍郎顧珀壻指揮使李朝宗女爲躬

訂委禽焉由此盛名日起嘉靖丙午舉人癸丑成進士

出徐文貞階之門授南吏部主事銓政故簡發篋雜誦

有異書重價購之或借抄如飢渴有訝其猶效博士帖

括者對曰古人學政吾今政學此他日當事致用地也

時徐階當國數年無書上謁以此重之遷郎中擬叅浙

藩階曰邱生端士畱以司大計必有可觀乃調考功郎

居常於貧廉勤虛誣度旣詳至是破私交窒倖竇甲科

被議者十餘曹少宰欲有所寬執不可少宰聲息厲則
毅然曰此官如不可去願先去郎太宰王公知不可奪
從之徐相深爲嘉歎嘗寄書詢南中人才有崑舉姜鳳
阿等二十人以應時並在下僚後多爲名臣是時正人
嚮用分宜餘黨解散將盡望風承旨者陽爲炙轂陰相
杙鑿徐相茹之不疑有崑力陳不可調停借易艱貞孚
號之戒與畢伯游常安民規溫申二公之說反覆開譬
階嘉納之後階罷相卒如其言擢南光祿少卿丁內艱
起補北諸務節齋屬徐相去國高相拱掌銓有崑七年

泉州府志

卷之四十八

明循績

三六

不調屢擬太常太僕俱不報久之乃遷應天府丞攝府
事修廢雪冤抑強扶士暮金不入條格一新入覲謁政
府僅持二幣高相卻之而某御史承風旨誣有崑私其
同年曹翰編者遂解職未幾高拱免張居正柄國素聞
其名法司亦代白冤則又有嗾之者竟報罷歸有崑嚴
毅寡言笑人不敢干以私布衣蔬食無妾媵之奉鼓樂
之娛玩好之蓄獨好藏書旣解組則盡載所購且錄書
築亭曰木末吟嘯其中杜門謝客課督子孫稍越軼輒
加譙讓年五十八卒子應賓萬歷丙子舉人應和萬歷

戊戌進士浙江副使應狝彌勒州同知

採雲臺藏
藁景璧集

江萬仞字若度號達泉晉江人嘉靖甲午舉人癸丑進士授貴溪知縣以治行擢南戶部主事權北新關酌課通商舟人便之擢員外郎出爲江西按察僉事駐分宜與嚴相子問遺不行請囑不受謫兩淮運判分司泰州富安諸場教煮如法峻卻羨餘屏汰冗役檄查高徐二州倉見郵置繁費雜供不經條上革之民得以蘇朱御史視鹺疏薦遷德慶知州部泮水思懷等十二營將士各分汛地踐更賦發則以某日某游兵抵罪與俞大猷議

泉州府志

卷之四十八

明循績

三七

創猺請移東土稍暇之兵供德慶三月之用州故有招主以硝鐵獲猺利漏官機截齊民勒贖分金爲設法更代稽查悉除諸弊增置水軍制堡新壘分瀧水兵千人四禦雉堞六布村谷州治堅於藩籬擢廉州同知舊募狼兵團守歲久反鴟張擄掠邀功爲嚴保甲練鄉兵使固守互援獲狼兵不如命者置之法負海產鹽十五場遼隔高雷瓊崖供億不支申議裁併鹽政爲清明珠翠羽不入私橐惟禁盜採及察縣官貼鞅安南諸稅嚴慎廉明誅舞文之吏胥除屯政之積弊攝府事惠愛尤深

召入南戶部郎丁外艱服除復以居廉時忤上官意左
遷補鄖陽同知通達治體明敏有爲批卻導窾恢乎游
刃奉檄清丈田地逐畝履勘立法通量強者不得欺隱
而弱者盡復故業三旬竣功兩臺服爲通才己卯大比
江陵子入試人謂是役得識相國子何慮不通顯已而
直指果畱萬仞入簾婉辭而歸又二年遷潯州知府蕩
滌氛祲與民更始婚嫁禁不及年游惰使歸本業剖判
如流爰書手定集諸生課藝第其甲乙茹檠飲水僚屬
象之有上舍生混入賂章求伸理揭諸堂皇蔽罪其役

泉州府志

卷之四十八

明循績

三六

東南與潯民爭居塵屬知故爲請正色謝曰吾郡主也
獨不能庇一居民乎其人惶恐退大藤峽山諸猺獠治
以漢法散其部落夷酋翻樂其生盜去入他界已遷陝
西行太僕寺少卿致仕歸萬仞性挺直居官恪守職業
卽浮沈謫宦所至不以遷客自傲尤不屑脂韋以媒通
顯貴溪分宜鄖陽其省皆有權相柄國泊然無所攀援
御史臺劉畏所以彈糾楚相戍粵西置酒上坐歡若平
生多方存遺代營田宅歿爲經紀其喪卽權貴側目弗
怵也家庭倫誼尤篤伯父嘗捐貲佐學隆腆之報幾同

罔極析箸諸弟各豐田地畀之施及諸父諸從周旋有
差姻戚朋友緩急屢周屢告不以為厭里居十四載卒
至今鄉人述厚德者必稱焉子中樞福寧州學正以清

慎聞

舊志參
璧集鄖陽府志

景

林富春字景嚴惠安人少事繼母以孝聞嘉靖丙午舉人
癸丑進士授諸暨令履畝定稅以蘇賠累倡築城垣既
成倭至無害上功賜金幣邑有權要欲乞泌湖為田貽
富春書曰公以全湖畀我我以全湖畀公公以半湖畀
我我以半湖畀公富春不應陞蘇州同知棄歸年七十

泉州府志

卷之四十八

明循績

三九

八卒從弟會春

閩書參
惠安志

戴一俊字惟宅號卓峯惠安崇武所人嘉靖壬子癸丑聯
捷進士時方弱冠初授南京刑部主事歷員外郎中出
知溫州擢廣東按察司副使一俊性孝友操履端方少
孤事母孝養盡歡既通籍迎母就養奉慈訓以著循聲
質聰敏異常雖極煩劇一經耳目卽洞悉顛末其守溫
郡時值兵燹民多流移一意寬仁撫綏漸次復業倭寇
巢流江大師壓境上下洶洶措辦糧餉外倚辦而內安
戢民不知兵及擢憲副百姓如失所怙建祠生祀之至

五嶺拊摩民黎靡不安帖時年方逾壯以母思家卽請告終養奉萱堂南歸婆娑燕喜改葬父墳及母歿居喪毀瘠雪芝現瑞終制構廬石室山下以望先塋吟咏其中自號石室主人家食三十餘年杜門卻掃不入城市然公正未嘗不奮袂所居崇澗稱利藪戒下人避之如漆萬歷閒徵兵救朝鮮邑多震驚一俊獨爲里中祈免故甄有生祠鄉有思德碑邑祀鄉賢性恬澹無它嗜終日圖書匡坐隆暑無倦容人謂燕居端肅似宋儒所著有石室藏稿行世子亮機萬歷癸卯鄉薦

閩書叅惠安志藏藁序

泉州府志

卷之四十八

明循績

罕

黃一桂字馨甫南安人嘉靖乙卯舉人初授雲和令一心冰檠削借差汰馬役邑中水道久湮民病遠汲一桂捐俸募工疏水源而導焉近郊多虎漸及邑中或食豕官舍一桂牒城隍神請去苛政而後大戒攻虎旬日有田夫手搏虎而斃之厥後遂息左遷寧波學博攝慈谿篆邑有魚課三百金吏請受日例也一桂曰課諸公而登諸私何例子萬歷丙子江南聘分考舉顧憲成等十四人其後多爲名賢顯仕擢濟南通判主岱香稅稅多羨毫無私焉一桂古貌古心言語步趨端慤不苟篤行

君子也

閩書

鄭一濂字君順惠安人嘉靖乙卯鄉薦授廣西橫州知州大播恩信橫人歌之曰惠之鄭司橫政藹如春照如鏡教誨爾士福我民江無盜賊山寧靜祝公千歲長肯慶晉貳思恩府招白李威餘寇所全活甚多屢膺獎薦竟中忌者罷歸歲稔首唱減直出粟賑貸有利病自爲叩之有司邑人思之伐石里第之南碑焉所著有尚書督有北征東園諸藁行于世

惠安志

陳子佐字道海惠安人嘉靖丙辰進士初授崑山令崑山

泉州府志

卷之四十八

明循績

四

田賦錢穀甲天下而里甲煩騷子佐日坐堂皇治事輒

三鼓退邑縉紳張石川家迫治署夜必焚香坐俟休衙

乃就寢曰賢父母爲民勞瘁若是吾寢敢先耶擢戶曹

郎曹中差務禁子佐獨辭盈就縮遷廣西平樂知府人

謂粵西僻遠非善地爲子佐挹鬱子佐絕無愠色勤苦

自持不以僻地自弛時平樂寇發勤餽餉以佐兵興及

事平佐以運餉有功蒙旨褒賚轉陝西太僕卿乞休最

後于公世懋來督閩學亟稱崑山令愛民崑爲立石者

自明初余機至子佐僅五人

惠安志

林叢槐字應昌號三庭同安人年十一遊庠有奇童稱嘉靖己酉舉人丙辰進士授饒平今年未及壯而泣事精敏若老吏拊循之餘首重興學每試拔其尤餼之公署加訓誨焉粵賊蝟起張璉爲之魁聚夥萬餘招撫議起叢槐單車往諭賊或戕其役人以恐動之神色自如賊亦嘖嘖畏服竟羅拜擁衛而歸已而倭來攻城城援絕爲浚濠開窖日夜登陴募壯士共守城卒完士民爲金城保障圖以紀功再受賞四登薦擢南戶部主事邑人立石紀德建生祠祀之在部未久復以拾遺罷歸構別

泉州府志

卷之四十八

明循績

四十二

業於城西顏其堂曰崇真時與同志杯酒唱和郡丞陳鰲海過其山齋欲捐腴田以闢其門徑固辭焉按臺陳海山邑長倪雨田高其操嘗捐金以助屋資晚慕金陵吳越之勝嘗贏糧一過之竟空囊歸曰吾游足適矣所著有明農集而止修養氣二說則其晚年筆云

採清白堂稿

張應星字子翼號菊水同安人兄塤以貢授平陰教諭應星自幼開敏喜讀書從晉江史于光邑先輩林希元學盡契所蘊蓄少失父兄常懷哀慕每息前披其所藏訣語悲吟隳淚及辰衣素食蔬終身不改嘉靖戊午歲貢

授會昌訓導揭白鹿洞規教士督學使者徐曠以德行
求士諸廣文入試分授片紙令書無德行之尤者應星
獨不書學使怪問之曰諸生性質不齊然皆可自改苛
求之恐累終身學使大喜因試以世變江河詩應星賦
末章曰厥行伊何行已有恥有恥云何不殖不邇顏生
四勿聖門要旨學使曰張廣文自謂耳嘗戒其子曰與
富人言雖窘毋自說若見爲求也與貴人言雖是毋過
贊若見爲諂也轉清江教諭道卒所著有四書大畧易

經營窺燈影子日益舉人

閩書叅
同安志

泉州府志

卷之四十八

明循績

四三

蔡存省字宣懋號輿巖晉江人少孤力學嘉靖戊午舉人
授安鄉教諭值水荒頻仍先積俸賑貧乃飭教規士皆
自勵分校江西得李頤沈一貫萬文卿等皆名士遷永
明知縣俗婚媾瀆禮嫁娶靡時揭家禮訓之聽訟開譬
情理兩造欣服衙蠹鄉癰重繩不貸公暇郊行勸課猺
酋皆羅拜曰吾父母也調杭州府教授教如安鄉督學
爲通行其教規於兩浙分校廣西所甄拔多英俊歸視
海寧篆輕徭賦杜干請有富人妻訟其主藏之奴乘伊
夫死竊金亡投某貴人家某貴人隱其主僕之分請爲

庇存省竟置奴於法既行海寧民尸祝之遷國子助教
與六堂講藝大司成王荆石重其學問多士靡然從之
出爲臨江通判地多盜數火劫爲編保甲嚴巡緝責邏
捕禁窩藏盜徒他界藩司委解餉存省白京役良苦且
鏹往往不如數由筦庫胥吏責常例故藩司陽獎而陰
銜之既竣事遂告歸百姓遮留輒車泣存省軀不滿七
尺孱然儒生外溫內栗仕宦不可干以貴勢其不得志
而浮沈州縣閒並坐此故嘗曰寧鴻而冥毋蠅而營寧
鸞而枳集毋鷲而鳳音

閩書叅
舊通志

泉州府志

卷之四十八

明循績

四四

鄭道興字在熙惠安人嘉靖戊午舉人萬歷閒署建安教
諭以文章德器見識當道遷南安府推官懲讞訟戒侵
漁大著能聲陞懷慶同知自孟津下河水悍激善崩道
興隨方處置河不爲災居官治尚寬和而宿奸巨猾亦
不得肆其惡任懷慶七年屢登薦剡始擢銅仁知府未
任卒于道扶喪歸所著有纂元條議二草

閩書叅
惠安志

杜業字道修號立字晉江人嘉靖戊午舉人授梧州府推
官慎愷爽塏見重上官諸獄情之微曖難明糾紛靡決
者咸檄訊焉聽辭稽貌片言折兩造卽累歲滯獄一決

立剖所平反甚衆郡有權場復委司之竦然曰此賦也
染之則汚人嚴勾稽謹弊竇而澡身爲倡商有挾貲闌
出者浼貴勢爲營解力持不貸奸竇塞而軍興饒制府
語人曰杜司理能爲疆場與利者以無所利故也遷順
天司理獄訟蝟集貴戚近宦多請寄凜持三尺一如梧
州擢戶部主事出督淮庾兼董權舟鼠伏烏攫盤據日
久一切繩以法刷除其根株窟穴庾無私耗權無漏卮
羣小側目竣事遷郎中旋擢廣東副使備兵瓊州兼督
學政添設土著謹清野之令嚴通夷之禁時進諸生課
泉州府志

卷之四十八

明循績

四十五

以大學衍義補曰此而鄉所標爲先進者也遠近響應
景附甫半載而嗣事者不相能乘大計齟齬之竟坐前
事報罷歸逾年而卒業事父至孝稍恚輒長跪請罪承
顏養志終身不衰祿入悉均諸弟撫姪如子慷慨尚義
族戚倚爲外藏有邑子客亡於淮捐治殯殮歸其櫬王
用汲抗疏得罪奸黨伺之密運日過從不引避比斥去
則攜壺觴餞之郊其不畏權勢如此

沈維龍字震卿號宗西南安人嘉靖戊午舉人授翁源令
革除奸蠹捐置學田值盜賊猖獗數十載死傷橫道維

龍治餉給士贊畫機宜一日單車入壘擒獲賊首關徂
政梁忠等繇是悉平上功幕府爲同事者所冒僅增秩
賜金翁源井泉遇旱多涸富豪設蠲塘以賣水貧者待
斃維龍捐俸買塘公之嗣梁忠餘黨寇旁縣請督撫勦
平之督撫不以勦賊爲功而以餘黨未殲爲罪劾調山
西行太僕寺主簿督養馬巡邊疆以其閒授諸生易從
學有登第爲顯官者遷蕪湖縣令邑當衝疲調停供應
節省民力其興學立教禮賢下士視翁源有加丁承重
祖母憂除補慶元興學教士無異於蕪修邑乘置學田

泉州府志

卷之四十八

明循績

四六

苞苴盡絕庫藏肅清屬多礦盜爲申嚴保甲悉化爲良
民有爭訟難決者親至其所日見口剖兩造信服有具
蔬菜來餉者謝卻之五載遷惠州通判以養親告歸維
龍清勤愛民所至謳思其去翁源也民頂香攔車里社
尸祝其去蕪湖也士大夫作湖陰遺愛記以送其去慶
元也板留者直抵閩界遣之乃去每歲春二月維龍母
壽秋九月維龍壽有入泉致祝者慶元翁源皆祀之名
宦居家則躬行孝弟以俸餘均諸弟以祖貲遺諸叔鄉

論重焉

閩書叅

處州府志

蔡一槐字景明號沙塘晉江人少有神童之譽十四歲時以麟經就試入彀矣已而中格及啓牘御史知其稚年大異之俾同九十士宴越三載嘉靖癸卯舉于鄉士林艷羨已未成進士除戶部主事典祿米倉精核寬恕出內有程弊數悉除戊辰分校南宮薦拔多知名士出爲湖廣僉事御史希高相拱意指欲以法巧中耿公定向授意一槐一槐曰吾安能罔法媚人乎黃州有蘇長公祠鄉貴人請爲宅弗許他請得之後一槐過黃則宅已成必毀之而重建祠乃已萬歷癸酉典試楚闈同事者

泉州府志

卷之四十八

明循績

四七

陰持試牘畀之曰此江陵相子也一槐置之几上弗爲閱其人亟索還內諸彀中陰布款居正而賈怨一槐居正大恚憾稍遷東粵叅議遂用京察罷歸一槐性和緩其臨事方峻過人終身澹泊詩文自娛尤工臨池作墨蘭石竹具有意態喜與客對弈斷簡遺畫雅意鑒存獨得其趣蓋睂山蘇氏所謂寓意於物者年八十六卒邑人黃鳳翔其所錄士也爲董殯葬事姪國炳

舊志叅閩書

歐陽模字宏甫號八山南安人父深以擒倭陣亡贈昭毅將軍模嘉靖戊午已未聯捷進士授霍邱令調上津丁

父艱服除補肥鄉擢都察院都事調戶部員外郎監楚
兌還遷郎中出爲寶慶知府陞廣西按察副使其治霍
邱視民如子以節愛稱督漕使者承權相意有望於模
若弗聞也坐是調簡曰臣才宜簡得上津分也肥鄉較
繁亦以簡御之不易其素監楚兌所立規條皆可爲後
人法守寶慶則卧治之抑豪右新學舍加意作人如福
太守車大任巡關御史劉應龍皆所識拔其備兵桂林
凝定持憲體不苛察爲名而忌者目憚之遂罷歸日與
故人杯酒爲歡初不作詩後與諸老結社亦探韻爲之

泉州府志

卷之四十八

明循績

四六

必盡興爲人篤於倫常寬裕溫好未艾懸車百感如遺
傾貲賑窮座客恒滿親友之不能自存者多歸之郡人
誦慷慨行德模爲首稱始模父深故慷慨行德及模爲
官賜祿之入未足充父之所出而賑捨之惠不敢後父
之所爲傳曰如其道終身無改可也模實以之卒年七

十三

閩書叢桂堂
文集南安縣志

蔡萬字世望號梅臯晉江人嘉靖乙卯舉人已未進士授
南工部都水司主事轉陝州州同辰州府通判平樂府
同知控馭猺蠻籌謀兵食郡治帖然荆竹山灣逆苗煽

虐與太守協力搗剝傾其巢落馘其巨魁綏其黨與民慶更生政暇出文字誨諸生纏纏罔倦分校得士皆名俊及撤棘檄委隨征古田辦理糧餉王師宿飽揮刃無敵卒縛其酋以獻而予視良民撫摩卵育惟恐傷之陞工部營繕司郎中出爲大理知府值大征諸寨萬親詣各崗竭力招撫全活萬餘人祀名宦歿後里人爲建盛

世名賢牌坊於南衢

蔡氏世紀

洪有第字懋學號肖英南安人嘉靖戊午己未聯登進士年甫二十有五授新城令邑中多貴人憑城社持令長

泉州府志

卷之四十八

明循績

四九

短以有第少年書生易之及見有第泣事精詳犁然如宿吏皆斂輯不敢肆民以事至庭下立訊之不煩推鞠而自伏有積牒叢案久不能決者上官悉委之遂無畱獄歲飢發庾給賑全活甚衆賢聲丕著而邑當孔道使車交馳無停晷當道憫其勞瘁調新會知縣父老攀轅泣別竟以勞瘁舟次杭江卒年甫二十七

採二陵稿

唐堯衷字恒卿號益山安溪湯泉人初爲邑增生後改郡

庠應貢授進賢訓導遷來賓學教諭年六十一致政歸其教進賢端軌作人褒重風化有達官請祀鄉賢其生

時嘗垣學地爲舍堯衷不拒其請第語人曰吾邑蔡文莊嘗送學傍地爲射圃渠公不能也其家聞之不言自阻來賓地雜猺獐不忍鄙棄教之如進賢其致政歸以養庶母也堯衷少失怙恃鞠於庶母彭教養備至旣長所以養彭母者與庶弟堯文無閒衷父崇嫡長多與之田子孫得爲諸生者又復有田租之給衷並以分堯文不自私人不知衷之非彭子而文爲異母弟也在來賓時憮然曰母春秋高卽不諱吾恨無窮屢乞歸而當道固畱遂杜門稱疾至得請乃已堯衷持躬雖肅而與人

泉州府志

卷之四十八

明循績

辛

溫恭篤宗厚故以急告者度力分財食不重肉飲不至醉一布袍經兩紀生辰登隴痛憶劬勞祀先尚腆致潔勉諸子以恢前緒報國家尤仁及於物爲司訓時市一馬鬻者多直而疲斃不任有勸更其駟者衷曰吾取代步足矣奈何令斃他人手旣徙官以予學中弟子某曰吾馬之齒長矣爲我善遇之使得有敝帷終其存心如此子三長時興貴贈如其官

閩書

明循績七

林大禎

蔡日宣

王廷稷

黃天申

黃思近

吳從憲

周標

陳學伊

張國謙

黃憲清

郭立之

李道先

陳榮祖

黃才敏

蘇士潤

賴廷檜

池浴德

鄭一信

林際陽

李鈿

泉州府志

卷之四十八

明循績

至

傅存仁

徐孟

沈洪

傅翰表

洪彩

金志行

王以佐

黃潛

張宇

林大禎字及甫號近齋晉江人御史潮之姪孫嘉靖辛酉
 舉人初名宅遠得雋後改今名授平陽教諭庠士吳公
 寶秀負才酷貧為延之僧舍躬為給爨平陽登第起家
 自吳始其後寶秀知南康忤稅璫直聲振天下人服其

藻鑑丁內艱起補烏程教諭益注意才士其尤著者大學士沈公濶司空沈公演少司寇費公兆元皆所識別也擢宣化令盡斥例金正俸外一無所入簡直不能逢迎有上官索皮箱數隻命局鑰以進啓視枵然乃大恚甫三載左遷襄王府審理數誦王半山詠賈長沙古人處一職豈敢苟然爲之語李廷機貽以書曰公曳裾王門處於不爭乃亦不風而波瞿唐灩澦無處無之可想其質直宦拙之効矣凡十八年始晉秩左史得正四品蕭然以歸抵家出不能具車展墓猶徒行未嘗向人言

泉州府志

卷之四十八

明循績

五十一

其居官清苦之狀與同年同姓太守雲程中丞喬相皆有年壽詩奔過從權甚當事延致賓席弗屑也嫂孀僅一女爲招贅婿給產業二從弟落不自振屢收恤之好作書蒼勁有黃山谷之致老猶能蠅頭小楷年八十七

卒

闕書叅克
薪堂文集

蔡日宣字君弼號崇巖晉江人嘉靖辛酉舉人授冠縣教諭捐已貲修葺學宮庚午分校應天得士獨盛擢青田令建敬一亭新啓聖祠閱諸生貧窮科甲不振捐廢寺之田三頃有奇充學養士復優免之例請于當事視他

邑有加追徵判決公明廉威凡厚諸士者民不以為例
革鹽商之稅不下千金成永濟之橋利賴萬世士民德
之冠縣青田俱祀名宦

採家乘參戚
中岳贈文

王廷稷字民育晉江人嘉靖辛酉舉人授萬載縣教諭尋
擢四川營山知縣禁民鬻訟刁風為止東西林關外梵
寺叢雜僧藏匿婦女廉得其狀寘之法僧數百擁入縣
庭求宥意若有所脅廷稷計擒之搜僧舍中得凶器廢
寺為書院名為南京御史上大本大務凡六疏俱報可
出為湖廣僉事鎮蘄州有巨姓窩盜致萬金訊得處治

泉州府志

卷之四十八

明循績

三

一州稱快劾署邑篆之貪酷者擢雲南右叅議時撫慰
諸司並受緬甸約束僅木邦罕進忠不肯服逃入永昌
城議者咸欲驅去廷稷曰人窮來歸棄之不仁折而歸
緬則木邦失而滇之藩籬撤矣持不可後罕虔受誅岳
鳳獲擒皆進忠為之耳目人服其遠識轉四川左叅議
致仕歸廷稷恬然退讓而臨事勇決有為家居清約自
守無所營求年八十餘卒

舊志叅
閩書

黃天申晉江人內行修飭為遼東衛經歷嘉靖中邊地多
盛軍容天申獨介介為清節人皆畏之嘗出一萬戶侯

死命侯夜率妻孥攜千金爲壽峻卻之遷寧州判臨行
遼人遮道留之至官未久歸

黃思近字與仁號似山南安人瓊州守瓚之子嘉靖壬子
舉人壬戌進士授分宜知縣遷戶部郎權武林關除稅
樣例越人與少宰楊時喬稱爲兩水部戶部云水言其
清也出爲襄陽知府有權稅往時在事者歲數權思近
官二載一至耳江陵相知其政終不通尺幣丁內艱釋
服再守饒州東淮王府之人毋敢肆轉江西副使雲南
叅政丁外艱中蜚語餘姚邵公知其誣白之得落職服

泉州府志

卷之四十八

明循績

五十四

闕改廣東叅議督撫吳襄惠時使兼署諸道篆遷雲南
副使叅政旬宜六詔先後六年旦夕所奏記中丞則以
滇之帥重宜裁跋扈之漸滇之緬蕃宜開三面之網不
者將滋桀驁開殺僂萬里之外可念也旣自免歸與同
郡諸公游歷山水娛情咏歌年七十八卒思近天性淳
實宦轍所至不求赫赫名其與人交不作煦愉態第遵
職循法坦衷真意於上下朋友咸宜人謂古君子徐相
階與思近父同年或謂一見可內補思近日內外王臣
也某聽主爵之所投及令分宜時同年某子甲伺嚴氏

子居里動靜挽思近助爲齟齬不應某旣以揭嚴氏子得顯擢司察者議摧之以問思近對曰此自理官所得爲若此議行似爲凶人釋憾聞者歎服

舊志參閩書

吳從憲字維時晉江人爲諸生時讀書開元寺見婦人遺雙釵呼而還之嘉靖乙卯舉人壬戌進士授行人擢監察御史巡鹽浙江奏築白茆塘開田數萬畝時相高拱修怨於徐文貞階語以華亭私鹽盛行法不可貸從憲曰婚新相害故相吾不能也下吏有承風旨齟齬者痛絕之按山東入掌河南計事復巡按浙江值浙西風潮

泉州府志

卷之四十八

明循績

五十五

之災奏爲蠲免存畱田租仍堅築海岸以防後患浙人德之時有爲大家宰者冀從憲舉其子鄉薦周旋殷勤藐不應遂出爲江西副使浙江叅政過京卒從憲性寬厚爲御史不博驚擊名其居鄉亦不念宿憾而中懷耿介不稍詭隨人敬憚之

舊志參閩書

周標字以升號象峯晉江人嘉靖戊午舉人壬戌進士授廣州府推官性慈祥不尚鉤察折獄明允攝廣州守民苦萑苻則先飭屬邑恤惇困蠲繇役乃募武健設閒謀俘厥渠魁下令持錢縛者皆良民毋得問盜賊屏息遷

戶部主事遞遷員外郎中督儲錙督總漕廳事規畫悉
飭操持嚴密凡六載不少渝遷長沙守甫數月卽著廉
能聲以內艱歸服除補兗州州故鉅郡標謹身率先杜
宗室請寄節過賓饋餉屬旱蝗民艱食逃亡則檄諸長
吏招集流移課墾疆畝春發廩賑貧秋令自輸不取息
閭閻帖然樂業政聲焯起爲山東諸守冠以外艱歸復
除楊州擢江西副使備兵徽寧節約惠愛一如曩理郡
時歲偶苦旱率屬吏徒步虔禱三日澍雨大應遷去之
日稚耄擁車遮畱標莅官皆劇地而精微詳慎皆以治

泉州府志

卷之四十八

明循績

五十六

辨稱權江西叅政兩閱月竟嘔心卒內行修篤從宦二
十餘年所餘貲皆奉父稍營產業而三分之伯兄庶弟
均得一焉嘗曰福戒於過享財戒於侈用氣戒於全溢
終身自奉節儉食無兼肉衣無重采居無華宇守鄉人忘
其宦閩也長沙載之名宦志

舊志叅

閩書

陳學伊字爾聘號志齋南安人徙居晉江嘉靖辛酉壬戌
聯捷進士授南京戶部主事督倉儲出納均平不以錙
銖取潤宿蠹一清陞禮部郎中出守揚州政持大體廉
而不苛公而不刻未半載數年滯獄積案盡清尤多平

庚竟以郎時抗有左遷郴州郴屬男子憚於加冠既婚猶角非也父母初喪則鼓吹三日名曰鬧喪葬時如之又楚俗棄女民多不娶或有妻之夫病篤則媒氏遂聘其妻約諧取去謂之佐殯學伊至申教再三令其轉相告諭俗爲稍移榔治有徭自爲聲教其法偷一雞罪至死擅殺無所忌邑捕官檄之徭民遂豎旗倡亂學伊以一檄諭之安靜如故庚午分校棘闈薦舉皆知名後登第貴顯甚衆遷撫州同知撫故多盜學伊至申緝盜之令反誣盜之條嘗得強盜二夥廉其情真會讞已決卽

泉州府志

卷之四十八

明循績

五七

條報上官推之通衢次第斃獄撫自是絕盜再遷禮部郎擢江西僉事分察湖東峻守勁節官中有所批駁嫌怨不避然亦繇是齟齬歸隱梅溪山中爲一鄉興廢舉墜約束嚴明里有曲直得其一二言嚴於公庭鄉民信服羣立生祠尸祝之李廷機爲記讀書漁獵經史百氏發爲文章皆有關世道致政時年方強仕至七十餘手未嘗釋卷所著有清德堂集五譚類抄世紀諸編藏于家

舊志參

景璧集

張國謙字爾光晉江人嘉靖辛酉壬戌聯第進士隆慶四

年繇戶部郎擢守

州明達嚴敏加意民瘼杜請謁剔

奸蠹盜竊屏息境內肅如卒于官民哀慕之

閩書叅溫州府志

黃憲清字以憲號雙江晉江人伯善于嘉靖甲子舉人授陽春令邑治萬山中亡命所窟穴桴鼓數起有司至挾兵自衛憲清一意捐循之刻廉自苦以身爲帥絕餽遺禁迫呼贖緩耗羨一切屏汰閒摘一人大狷置之法富豪賴秋顯子殺人與郡倅鞠之顯行賄求解峻卻之卒伏辜於是春民相率歸誠復業山藪閒無復帶牛佩犢者暇進諸生課藝立學田贍之斌斌向風嘗受詔清覈

泉州府志

卷之四十八

明循績

五八

民田失額者田皆磽确陂陀入崖箐中多嵐瘴憲清盤柵撻楯跋履皆遍所至茹糗席蓐不以供應煩民五閱月而田之溢於舊額者幾倍憲清按舊籍財足而止減歲賦十二三民大便之立石著令賦版當籍奏例有稅金憲清盡卻之廉聲焯起遷廉州府同知撫郵軍士周悉民隱吏胥畏懾奉法珠海多盜設戈船兵校守之墨者縱民入海竊珠詭云游徼而陰與爲市憲清嚴設禁防兵校第謹候謀須寇至乃出海若無寇輒出及寇至不亟捕者皆坐之千戶陳與偕當補裨以珠相嘗卽時

白發之按其罪并按前作奸者數輩自是裨將當補者必籍記二人聽守自擇而月糧度支必委廉吏散給絕去乾沒將士服其威信異時舟師鎧仗多虛冒憲清親爲整飭務極犀利而又多設方畧遇賊必捕捕必滿品以功次賜金者再劇賊李茂佯稱撫民而聚不逞橫海上憲清白大吏以計散其黨茂卒就擒雷廉缺守憲清兩攝篆並以節愛稱奔父喪抵家卒以子汝良貴贈宮

傅

舊志叅廣東通志河干集

郭立之號卓然晉江人七歲而孤母沈氏含辛茹荼課之

泉州府志

卷之四十八

明循績

五

成立嘉靖甲子舉人授象山教諭設立科程誨誘多士斌斌向風擢國子監博士教成均條約加象宣上達下寬嚴得中司成賢之尤精品題在象山得邵芝南於卮角在國學識南元浦於明經俱以國士期之人服其藻鑒陞戶部主事每堂上有所咨詢條析如嚮大司農倚如左右手遷員外歷郎中出監兌湖廣先是糧長包解乾沒莫可詰立之精心釐剔宿蠹一清聲望日起出爲柳州知府以邊地瘴鄉不便迎養依依膝下母固遣之乃行至則咨利病銳意興除不敢鄙夷其民而鹵莽其

政披閱爰書有二十七人者以不軌論辟其二人已斃
囹圄餘亦奄奄垂盡立之疑其寃爲隔別虛心鞠之乃
知其爲集衆墾地山後有虎狼執兵自衛縣官勾攝不
時至因坐以謀逆獄已具特爲請命監司難之立之曰
人命至重一夫含寃猶能變動天地况多命耶倘有失
出守當任咎於是轉讞三臺覆審報允二十五人並獲
解網賊曾覃公禮聚衆數千焚劫村落出沒無常偵知
其窟穴根柢時有庫吏犯賊素傑黠有心計自獄中出
之曰能辦賊當賞爾罪對曰願効死力因使誘賊入內

泉州府志

卷之四十八

明循績

卒

地而豫爲之備又先檄土舍某斷其歸路賊掠無所得
退無所歸竟就剿滅民以安堵居一年以母老乞終養
歸婆娑燕喜歲時伏臘率子孫以次上壽親旣皓首已
亦蒼顏自謂安仁捧輿仲統樂志三公不與易也比母
歿哀毀如孺子禫服方除而立之亦卒年七十六

採黃
毅菴

撰
志

李道先字克登號我湖安溪感化里人嘉靖甲子舉人獲
雋時原名少柄字克冬至計偕始易今名選授桂林府
推官直指雅相重屬爲腹心耳目凡察官評讞獄訟皆

藉手焉每事精核其聽讞不爲深文人稱平恕壬午分
校文武闡得材獨盛署陽朔令會均田事起單騎遍歷
隴畝手畫心計無匿賦亦無溢額懽呼載道又署梧州
守賦甲粵西民稅四之商稅六之兵餉胥倚辦爲察羸
縮剔羨耗令按籍自輸用佐軍興還桂林惟圖書衣衾
而已六膺薦剡爲守所螫徙衢州同知三衢爲趙清獻
故里至則題其署曰琴鶴餘愧以見志檄署守令無虛
日課農麻戢奸暴愛賢禮士黔赤衿弁咸宜之郡當水
陸要衝郵籤旁午寇憑山藪操舟行剽力裁冗濫均勞

泉州府志

卷之四十八

明循績

全

逸請於兩臺沿江列舟師游徼郵卒行旅稱便攝令江

山均田定賦如陽朔民鏤碑頌德七載遷兩浙鹽運同

知條齟議十七款白齟使著爲令無非潔已惠商積羨

鏹三千盡歸公帑擢常德守卻供應以風僚屬省詞訟

以免株連飭保甲以驅奸宄武陵有障河土堤積歲堙

圯改砌以石出帑鏹贖緩爲將作費石堤告成千百年

水利賴焉中蜚語以原官調簡尋丁內艱歸不復謁銓

營湖山地肇建宗祠宗人告急必應紛構必解頌義無

窮浙人追思請祀名宦年六十三卒

集安溪縣志 參河干

陳榮祖字克紹同安人健孫嘉靖甲子舉人授永安令出入常賚糧僱役地方無擾革保家以杜需索汰冗役以省詐冒民被火者卹之被疫者櫛之立社學選羅光宇等十餘人爲社師課其學程九丫樹有白額虎噬人齋禱城隍立斃勒碑於廟紀其事教民始種麻豆芋薑閩閩利賴永安民立祠刻石像生祀焉以清廉卓異賜宴旌額陞德慶知州盡革陋規卒于官櫬經永安焚香哭奠者數十里不絕祀名宦載永安邑志同安志叅黃東通志

黃才敏字爾懋晉江人嘉靖戊午解元乙丑會魁授戶部

泉州府志

卷之四十八

明循績

全

主事監德州倉每納戶至夕上朝遣卻除凡例卽出入閒零星升合悉分畀隸役日毋擾納戶吾聊足充爾腹選入爲禮科給事中論列數上侍經筵勤慎有衣饌之賜居常束修自將不輕謁相臣門坐左遷邑丞量移縣令尋卒年三十餘

閩書

蘇士潤字維德晉江人少善屬文王公愼中試而奇之爲諸生高等嘉靖戊午舉鄉試第三人乙丑成進士除吉水令設義倉社學鄉約保甲大率依古入去名入爲御史疏請東宮講學舉逸才裁東粵撫臣罷光祿內供言

雖不盡用剗切峻直朝論韙之按長廬齟政疏積引之
弊行小票法自是著爲令按順天首劾州牧之恃奧援
乾沒官帑者巡視京營繩中貴人義子橫行更置債帥
有營臣言京軍驕懦不足恃欲募客兵入衛士潤力阻
其不可議乃寢會相張居正與高拱有郤士潤爲拱所
舉士遂出爲湖廣副使尋謫全州倅移湖州推官稍遷
夔州同知士潤爲御史有聲一遭貶抑迴翔郡邑閒數
轉而不得起處之怡然不以遷謫近臣棄民事不治奉
職如爲令時居正去位諸曩不附者多驟貴未之遷及

泉州府志

卷之四十八

明循績

六三

值夔守缺以大計入忽有疾遂卒夔郡夔及吉水俱崇

祀名宦

舊志參
閩書

賴廷檜字而舟晉江人嘉靖辛酉舉人乙丑進士授戶部
主事大司農一見器之委典計事奏牘尋令主大府之
藏辭不就出監兌江西江西比諸道稱瘠土郡邑以故
事上夫程卻不受便道過家屢稱貸得不乏歷郎中秩
滿遷建昌知府中道聞母訃歸服除補歸德郡背河爲
城河歲嚙堤數橫決至則行河按其流首壅疏之令就
故道五歲之內河不爲災有夫失其婦蹤得之告縣坐

婦姦檣廉知爲盜所掠膏窮盜穴害得他繫累人及其黨三十人法皆當死檣按辟首惡三四人餘貸使自新出冤滯卹繫囚停罷商賈算緝舊例時詢諸令民情土俗除其所不便政平訟理歸德之治最入郡焉遷副使兵備天津士民數百里遮送逮至津門檄三衛吏士與之約將三日一閱士十日一比試月一總閱兵使者且不時閱視之於是津門兵爲諸道冠是秋北兵犯雁門徵諸道兵惟天津最練幕府上功第一遷四川叅政以賚捧行陞按察使越年之任卒年四十八庭檣性不喜

泉州府志

卷之四十八

明循績

六

華靡其持身刑家務崇纖儉十年一裘三年一舄至奉親撫弟不遺餘力而宗戚里閭以窮來詣未嘗以無爲解城南有清洋陂蓄九十九溪之流驟雨溪溢田並沮洳捐貲鳩工率鄉募義者築之期月而陂成鄉人勒石紀功德焉子克俊萬歷乙未進士

舊志叅
閩書

池浴德字仕爵號明洲同安人嘉靖甲子乙丑聯捷進士授遂昌令爲文誓神期不負蒼生設防守置木皂澤枯骨多異政故事郡守應朝時里甲斂百金爲贖浴德代守卻之會新守至搜舊案山積前令不能決者日下檄

追督浴德檢二百餘案各別年次輕重平反勒爲數冊
上之逮繫悉空守大喜追徵詳揭賦額於衢寬以限期
不事桁楊人爭樂輸盜者給其貧賂者扁其家舊習丕
變初遂民往衢開礦爭利不均盜起爲盜上官申禁凡
入衢者須告縣給符否則以礦徒治之後衢與遂民仇
者皆指爲礦徒送之官無一脫者浴德白於衢道毛公
曰一里往來事事豈能給照十室忠信人人豈盡礦徒
毛公立弛其禁民至訟庭一毫紙鏹不入官只袖米半
升往返即可結案安業咸稱爲池半升隣邑有難決者

泉州府志

卷之四十八

明循績

六十五

悉檄剖之丈量議起編派既定有以多爲寡者有全畝
隱匿者先拘豪家置之法懼乞再丈許之無一差漏有
浮額者充學以贍貧生縉雲諸邑爭告當道請浴德往
丈編法如遂百姓歡欣擢南吏部考功主事民赴臺乞
畱編賦四閱月編成黃冊乃就道老幼擁繞易鞞不得
行壯者奪舁夫爭肩之至龍游萬人曳舟三日不得發
夜半解纜慟聲遠聞衆爲蓋石亭於西明山水澗曰曳
舟亭鐫云江水比恩猶有底溪雲護石更無心後祀之
名宦至南都三月轉北吏部稽勳司丁外艱抵家僅餘

四十五金母曰諺稱縣令爲銀樹開花獨子一樹謂之無花果可也起補原官清介端嚴無敢干以私遷考功員外陞郎中調護士類常與相張居正相左分校禮闈取皆名士會汰天下冗員居正戒部汰其人不復職浴德竭力調停得不汰者十二三有楚司理趙某行取入京爲南部所揭居正欲斥之力持不可居正趣益急浴德稱疾而太宰竟逢相意罷之轉太常寺少卿有冊封之命事竣告歸屢徵不就丁內艱哀毀如禮朔望焚香告天自述所爲買地三所收瘞枯骨諸當道海上事宜

泉州府志

卷之四十八

明循續

六十六

皆就決知無不言奸宄斂迹盜賊相戒不入境年七十九卒是月大星自南墜有聲山鳴三夜城北大石忽摧人謂是其應云所著有空臆錄懷綽集居室篇爲詩深厚如盛唐子顯方顯京

閩書叅處州府志見巖集

鄭一信字君允號石巖惠安渚尾人嘉靖乙丑進士授南行人司副南中政簡罄橐中裝購奇書不給則貸而手錄之日久幾充棟時稱書癖擢南刑部員外晉郎中平反甚衆出守金華俗獷悍民多應募隸尺籍作奸扞罔至則用嚴飭治椽吏而下皆斂跡鋤大豪傳某置之法

計擒盜魁若干人并逮豪右僕區之奸境內肅然卻屬
邑羨金以千計節省公家費復以千計郡故健訟株連
婦息溷雜繁不可解一信擇而聽之省其贖緩贖令以
楮日進諸生揚扨經義月爲會校以楮獎其高等士激
勸多躡融顯城諸邑治飭 文廟建先賢祠置呂成公
祀田佐以俸入不糜公帑有兄弟爭田交訟召至庭反
覆開譬動以天性卽感化相讓爲政大抵崇教持法不
避嫌怨坐是中讒調石阡郡古夜郎地苗夷雜處治如
金華而濟以寬立勸農亭教種植賞勤振惰薄賦輕徭

還集者百十餘戶裁供億罷取辦以惠商人置學田贍
諸生而身爲之師獲雋者接踵以最擢四川按察司副
使時方裁冗員兼攝七道簿書山積無畱牘亦無甌法
清戎方畝茶鹽諸大政綜核洗刷夙弊一清有吏受賄
度且得罪則寓金於茗以相嘗發金案治諸屬咋指爭
濯磨然墨而狗者畏其峻潔咸蜚語中之調廣西會當
事檄令覈俘馘叛苗功次意欲稍僞增以邀賞一信不
可竟以實上自知與俗多忤屢欲乞休而撫按勉畱至
再阻不以聞甲申入賀便道過里葬父母亡何竟以計

劾歸築別墅城南日緡所購書名諸子庭授之邑被倭
暴骨如莽捐貲募僧爲瘞掩方粵西過家時有居民坐
誣蠱事廉其寃密解之其人不知在石阡郡尉卒于官
妻子淪沒捐俸治其喪而歸其櫬其好行陰德類如此
年六十三卒所著有尚書口講二卷書抄二卷紀懷雜
詠二卷雜文二卷庭訓二卷

採楊文恪文集
叅貴州通志

林際陽號九山安溪駟嶺人習胡氏春秋旁及左氏公穀
能涉獵而掇其精其爲文又足以發之廩于庠屢偃蹇
嘉靖閒以貢授韶州府訓導久之擢浙江僊居教諭所

泉州府志

卷之四十八

明循績

六

至端嚴矩矱畫設科條與諸生講學不倦修脯常儀無
所較有貧不能葬飢不能給者捐俸資之性剛介不能
隨俗同官目爲矯因以矯亭自號比在僊居有縣令諷
諸生頌已以干上官譽際陽怫然曰此頹習詎可縱哉
嚴飭諸生毋得赴者坐是取憾中讒罷官歸

安溪志

李鈿同安人嘉靖閒由椽吏授增城縣丞慈惠愛民民甚
親之性廉介金矢常例一無所受適島寇掠海上郡邑
戒嚴一日按訟者二人納其贖民訝其改操逮暮碎其
金攜登陴悉犒寸者蓋以日久恐懈故勞而固之也其

通變類如此尤敏練有幹局會郡築邏城甚急諸司檄
鈿董其役築者歌焉又從督撫進討兩源及置龍門使
鈿往視形勢鈿盡圖其要害上司歎異後轉布政司經

歷

廣東通志

傅存仁字君任號退齋南安人祖鳳上猶訓導祀名宦父
琮饒平訓導存仁幼爲祖所器九歲從祖之官墜江不
死益異之由嘉靖閒歲貢授歸善訓導勵士以行義而
課之文章贅餽不計多寡賞識大司馬葉夢熊解元李
學一尤爲知人值民避寇入城當事者編之城守民以

泉州府志

卷之四十八

明循績

六十九

爲病竄伏山藪益苦剽掠存仁亟陳於僉憲罷其役民
皆負鏹至曰師實生我遷興寧教諭寇復至民逃入縣
如歸善存仁掃廓號舍處之寇退遣去俞大猷在廣勦
賊每向存仁籌之竟以剿滅在興振飭有加課士按白
鹿洞規條署令三月裁常例剔吏蠹辨獄除奸邑人稱
頌上官稱其有經世才方登薦剡竟卒於官

徐孟字希孔號泗涯晉江人爲諸生卽廉介妻父謝念其
貧歲遺粟二十五石受一年輒謝卻之曰非隴上所耘
辟纁所易食之其味弗甘何元述爲其高弟掇科推宴

金爲贐堅弗納嘉靖中以歲貢授袁州府學訓導遼曲陽教諭最後教授黃州黃有明一代學官得祀名宦者惟曹賢與孟兩人孟好古力學尤潛心于易得蔡清之傳爲文多自得官廣文不問贊餽與諸生談經講藝訓迪不勸黃故材藪薰陶益遠賞識獨至士亦多顯者當時上官有古學古辭古貌古心之譽檄視邑篆尤得民心巡按稱其有學有守師儒全德在黃七年致仕歸生平事繼母孝篤愛異母弟自諸生餼以逮俸入悉分給之宦歸食貧僅免凍餒猶損糶飭以濟居無夷蹠至耄

泉州府志

卷之四十八

明循績

七

猶然學者稱曰徐先生卒年八十八所著有曲陽集楚

黃集子以嚴選貢孫廷佐舉人知縣

舊志

小洛撰傳閩書

何

沈洪南安人苦學窮經平居不苟談笑在庠時有邑令倨

侮諸生洪庭謁面折以理令爲竦然嘉靖中以歲貢司

訓增城執禮法簡飭諸生不受私饋復捐俸以恤貧士

督學張希舉延授其子教以易學尊之師禮遷餘杭教

諭革衰服賀年之禮嚴賓薦馬索酬之禁風爲一變致仕

居鄉爲邦人欽式年九十終

南安志

傅翰表字仕志南安人嘉靖中歲貢司訓電白時有倭寇

翰表爲郡大夫畫策守禦事平還齋舍與弟子闡揚性命
命亶亶不倦以抗爭 文廟地忤一武弁明年大計遂
報罷歸與諸賢紳爲雒社會時條田畝利病爲民造福
少司農呂圖南爲之傳會孫亶順治丁酉舉人松陽知

縣

南安志

洪彩字中受南安人幼孤事母傅氏至老無忤色嘉靖閒
賊焚掠鄉村彩扶母不離咫尺偶急伏道側賊竟無見
母子獲全人謂至孝之感以嘉靖歲貢司訓潮陽執經
課業自鬻產以佐貧者檄署普寧邑篆清獄祛弊茹檠

泉州府志

卷之四十八

明循績

七十一

飲冰申裁濫役普人立祠紀績陞福安教諭以艱歸再
補寧洋清執不渝寧洋士思之譜之名宦特祠於學宮
之東卒祀鄉賢孫孟纘天啓丁卯舉人全椒知縣

南安志

金志行字達卿號南谷晉江人千戶吉之後習儒業不售
肆力於詩入貲寄名海幕從事白下遂以詩名振大司
空東橋顧公爲十襄名傳示僚佐志行步其韻和之顧
公驚曰吾爲此詩通都人士莫能嗣音何物椽吏乃能
和我遂奇愛之嘉靖閒選授海南衛經歷以儒雅絕同
輩聲稱煒然惠安張岳撫兩粵喜曰是宜試之於民三

州十縣檄志行簡稽爬刷無隱兩署萬州一攝昌化累著循聲萬苦兵荒至則居以廉恕東西二墟官吏向多染指立革之聽訟寬嚴得宜案無畱牘崖黎搆禍當事以金五百令給軍餉志行不事刑罰不煩徵斂百姓沐德感恩分猷共念不數日軍餉悉充在昌政一如萬邑人德之黃光昇叅廣藩見之海上迎謂曰瓊民於子絕無後言署以上考未幾致政歸吟咏不輟益自疏濯於塵埽之表志行敦本厚故修先塋葺祠宇虔秩祀創宗牒於族中能文者尤加意焉有友王南橋停柩二十餘

泉州府志

卷之四十八

明循績

七

年捐貲葬之省祭柯某之葬亦藉其力年六十九卒鄉

人稱之

採朱玉橋撰志叅瓊山人稱之林士元楊愷各贈序

王以佐字幹甫惠安人知縣奇橙子性慧好古淵源父橙外祖父黃春學偕兄以寧以匡弟以翼及黃玉珙陳堦績學篤行者磔劇漁山藻修日富貢南雍銓茂名訓時漳商三十米艘困港禁懇援以佐憐鄉誼亟白府解放商執縑踵謝不受陞東筦諭嚴課程贍寒儒士感奮蔚起一時科甲稱盛旋丁內艱服闋補溧陽庠有故鄉宦某之妻賄薦其夫鄉賢子佐厲色峻拒之邑令盧漸與

試場以篆屬子佐代庖及還篆封識宛然轉鎮江教授
郡守胡繼新檄以佐署金壇邑篆以佐受事旬餘竟推
讓于新別駕嗣因子約領鄉薦遂告歸捐百金以建祠
宇奉壽藏以厝考妣田宅與昆季鼎分祖阡自卜吉改
築迎養張氏姑爲具喪葬推恩陳黃二外氏爲庀窀穸
諸大義毋惜靡費生平耿介嚴肅人不敢干以私日與
翼珙諸舊侶俱皓龐畏壘尸祝爲香山會登眺山水自
娛寄傲榕槃閒自號榕槃主人有司雅慕賓請表俗勵
風以子約封行人主事贈知府副使年七十九卒

惠安志

泉州府志

卷之四十八

明循績

七三

黃潛字昭卿號賓泉晉江人爲諸生時試第一兄伯沈次
之潛讓餼於沈次年試仍第一乃受餼及貢辭回餼者
貼貢例晉庠之無貼貢自潛始也以歲薦入太學授嵩
明州同知愛民如子開府顧公咨詢利病條上調軍改
路等十六事皆中欵會州守缺潛署州篆州故土城爲
叛酋安銓攻毀潛築石城之巒宮在州西於形家言弗
愜文風久頽潛遷之州後黃龍山麓時集多士講藝其
中是秋登科者二人普沙河利漑一州水無所管穀秋
恒苦涸潛爲築壩張家山時其蓄洩民永利之州東

東川武定身旬諸夷扼要害練士嚴戍寇息民安
他如廣儲蓄平差遣舉屯政限界田厲窩禁次第舉行
在任二年致仕歸嵩明人相與祠之張家山後祀名宦
潛攻苦刻厲六籍子史多所淹貫嘗手題讀書處曰靜
養一心之神動觀萬物之變又有四難四要箴以自警
其四難曰急躁之心難攝羸浮之心難馭夸大之言難
收匆遽之事難理其四要曰心要寬綽氣要和平方言要
簡寡事要專思學者誦之孫國鼎翰林侍讀朝鼎同知

舊志參閱書

雲南通志

泉州府志

卷之四十八

明循績

七十四

張宇字仲矩惠安人幼聰慧讀書萬卷有文名而志輒慕
古伯父岳大奇之嘉靖末年應選貢萬歷初授廣東英
德知縣先是大父慎亦令英德宇素有潔操蘄清白繩
家聲邑當粵衝公帑素屈舟騎輒責之民自以家橐財
五十金市六蹄一船代官用邑故饒舊多例金宇茶湯
家自煎辦而革去庫歲供百餘金椽胥及里正上役贖
二百金邑民兵四百人十年更給帖一帖輸金四兩凡
千六百餘金至時值更帖之年皆卻不納避利如漆民
輸賦金不問毫贏及徵萬金併羨僅二十餘椽籍爲里

正解程資贖鍰計足積穀官費而止銖兩不入私橐不問市鋪一物損衣貶食凡齋用皆持家橐裝以應而解中蕭然素饒方畧務在孳孳愛民故有均平金爲上官過客贈途費曩官私乾沒字以勾官用而差金舊苦縮爲節省餘數百金邑官無編船應兩廣軍興至攜行旅重載爲均之他邑徵賦祇徵負稅人而革故徵排年之弊邑俗獷訟剖決當情獄無冤滯尤嚴繩胥皂有犯必斥永郴流賊劫堯山錫礦千百爲羣設計撲滅百里安堵生黎盤國清等相讐殺聞之督府用閒密捕不煩費

泉州府志

卷之四十八

明循績

七五

亡鏃而元兇授首二事功尤偉督府褒焉至以贖鍰葺學私俸課諸生祖慎建龍山祠祀唐介洪皓至是墜甚捐俸重葺列齋約士如舊以興文教去後士民思念尸祝南山祠中與慎並祀宇刻勵操節以痼瘵萬物一體爲尚禮賢下士周窮恤匱恒至倒橐傾貲卒年五十三所著有鳳岡存藁秦漢摘言淮南摘抄秦漢歷代文選明名家臚選諸書傳于世

閩書叅惠安縣志

明循績八

蔡思雍

孫有敷

蕭騰鳳

顏容舒

黃德洋

史朝鉉

葉明元

黃國彥

林雲龍

李繼華

周日甲

李道南

洪邦光

李文簡

林繼喬

楊日采

許國誠

陳節

周良寅

林一材

泉州府志

卷之四十八

明循績

七十六

楊佩訓

趙日新

趙秉孜

張會宗

張宓

劉詢英

林敦忠

黃喬棟

康士迪

蔡思雍字主恒晉江人黃卷族孫少為黃卷所奇隆慶丁卯舉人為古薊學正遷龍泉知縣弛邑入以便民不可弛者為申請畱貯不染毫分邑有勢家恃媼亞當路謀奪民山利浼上官為言思雍唯唯取牘視之歎曰此民

利也奪民利以博官我則不能竟斷歸民雲和礦盜起
調鄉兵備糧餉密令義勇擒數巨魁上之軍門餘黨破
散居一年被劾改爲教官士民惶駭歸老敝廬風雨不
蔽餽粥不贍年八十三卒

閩書

孫有敷字時達惠安人隆慶丁卯舉人授長清教諭公正
嚴毅以禮自持以道義訓迪多士口不言利邑故樸質
未解聲律筆法有敷工詩善書時揮洒以率作之士始
知有翰墨之趣爲文古雅跌宕得秦漢風味制義根據
理法凡浮飾章句及佞屈奇瑰者黜之一時士習文風

泉州府志

卷之四十八

明循績

七

翁然丕變陞國子監遷戶部主事歷刑部員外郎中析
律精詳大司寇有事必諮焉出爲廣西叅議擢四川叅
政雲南副使協剿皮林苗有功賜銀幣未幾致仕歸長
清志謂先後振鐸者必以有敷爲首稱所著有居清稿

詩稿行于世

閩書叅長
清縣志

蕭騰鳳晉江人景腆孫嘉靖甲子舉人隆慶戊辰進士授
南海令當巨魁會一本煽亂之後邑里蕭條添設撫臣
增兵置餉百務勛勤而督鎮叅隨客兵千計皆雜處省
城恣睢爲梗騰鳳明而能斷調劑有方上下稱便尤善

催科耗餘不入其聽兩造多得情人心悅服稱賢父母以同鄉爲郡守坐事絀累左遷縣丞去後歷官兩淮運使淮鹽茨甲諸司往往稱陸海騰鳳一意更始悉起發諸根株窟穴所在遠近頌德而諸吏大賈咸搖手不自得以蜚語中之竟罷歸騰鳳書學黃魯直爲文似眉山所著有天倪子

舊志 黎南 海縣志

顏容舒晉江人嘉靖戊午舉人隆慶戊辰進士授博羅令值倭寇告警設民兵三百訓練精嚴賊至躬先士卒冒矢石大破羣兇旋解散遇夏旱步禱七日澍雨大降自

泉州府志

卷之四十八

明循績

七六

署催科政拙煦濡維恐傷之加意學校士服其教多所成就擢禮科都給事中

廣東通志 黎 惠州府志

黃德洋字以達號振海晉江人父鉞有孝行嘗刲股愈母

疾德洋爲諸生時與李廷機爲莫逆交文行相砥隆慶

丁卯戊辰聯捷進士初授行人三使藩國贈遺一無所受遷刑部主事執法不撓有中貴以事下部持弗貸諸

璫憚之擢四川僉事駕馭安綿龍安諸會岷山武都素稱鷲頑乃親詣其巢諭以禍福於是壩坻風材等二十八寨皆願遵約束上功賜金幣陞貴州叅議士會安國

亨恣虐醜其兄國貞德洋聞於巡撫林喬相繩以法僉懼令其母謝罪願供驛廷論定苗功擬超遷且授節鉞命未下卒德洋先入黔時有懷金不敢獻者密置案上德洋作色曰古之畏四知者何人耶其人愧而去歿後

龍安祀名宦泉亦祀鄉賢

通志叅
荀堤集

史朝鉉字貫之號瑞庵晉江人沅州牧宏詢子隆慶丁卯戊辰聯第進士授嘉善令爲人端介莅政嚴肅毋敢干以私書座右曰公生明廉生威邑賦不均強者規免而以窶應役值編審按戶高下輕重布之無所假貸兌糧

泉州府志

卷之四十八

明循績

七十九

弁豪橫諭以糗糒不堪當罪賦長額外索耗法不貸無敢譁者所裁縮永爲令捐俸遴秀士於思賢院月三課之庚午獲雋者四袁黃與焉自是巍科相望上計無資自彭城策蹇入都人莫知爲計吏李廷機採入家訓授南吏科給事中頒歷例有侑金盡卻之他餉亦然居三載侃侃多指陳大璫申信守備畱都勢凌大司馬而踞其上騷及民疏劾其違制書十罪諸閣求解於江陵相乃免逮疏載隆萬奏議中乙亥復筦大計會同年戶科余懋學疏時政江陵憾爲刺已批削籍而移枝朝鉉與

書曰主上冲聖居垣首以安靜爲福旋出知湖州府履任值溽暑躬閱繫囚不待訊爰書而滄雪冤濫者十餘輩未幾瘡發力辭主丁祭不旁委在任五月病強半遂卒于官年四十後湖人有祈禱以朝鉉與前守黃樞配城隍神爲三其德而見思如此天啓初直指覃慶爲題贈階未及給人爲惜之子書元大埔知縣書官萬歷辛

卯舉人

採雲臺藏藁

葉明元字可明號星洲同安人孝友喜讀書隆慶丁卯戊辰聯登進士授石埭令時政尚嚴明元獨先以教化寬

泉州府志

卷之四十八

明循績

八

易爲理省浮費清滯獄請上官裁減差使以節夫馬遷南刑部郎有百戶者張居正同鄉人殺人于市主者欲庇之明元執不可竟抵法出守南安設約要束巡行勸課嚴禁溺女傲俗先是天順閒大庾學併入郡學中而道源書院爲居正所裁廢明元入覲具疏奏復大庾學及書院詔下撫按竟如其請遷貴州按察副使諸苗怙亂潛畫方畧逆酋相次受縛因爲建衛設防浚河徙民諸綱繆甚具遷廣西叅政卒於官所治皆爲立祠明性孝友父母有疾終夜抑騷篤愛弟妹俸入悉共之

後家中饘粥幾不備嗜學好古官暇輒焚香展卷有評註國語檀弓行世祀鄉賢

閩書參同安志江南通志西江志

黃國彥字士美號觀石晉江人潤孫隆慶丁卯第七名舉人授新寧令豁田賦均繇役延名雋以課士漸有舉于鄉者陞知泗州州刑故嚴於他州國彥悉輕弛之拳拮委地歲苦澇預為修賑改判全州倅紹興終崇府左長史嘗自書駢語曰於崇吾得見王深慙左史倚相入門室交謫我有似北山大夫風采可見也國彥讀書警敏好獎藉賢士重倫誼篤宗盟力貧營二世之空恤諸父

泉州府志 卷之四十八 明循績 全

諸弟不問有無為德于鄉不求人知弟國賢孫景昉

閩書

參 克薪堂文集

林雲龍字以升號潛江又號對陽晉江人隆慶丁卯舉人選授詔武縣教諭月試季課五年不倦士多向風戊子應聘分校應天得名士舒志學等四人陞陽山縣知縣未任丁內艱起補景陵令潔已愛民時大造編審盡豁水鄉世累里役僉殷戶頂補卽鄉紳不少假築東西二堤以障水患改建學宮掘地得吳道子所畫孔聖像自此文日盛試生儒拔鍾惺第一胡承詔李純元彭乾

侯皆出門下有神鴉數百朔望繞官舍飛鳴人比馴雉
丁外艱起補湯溪案無畱牘值旱荒流民蝟集煮粥賑
濟全活無算陞雲南新興州守五衛屯糧隸焉修武備
以杜獮夷行劫有三夷酋與獮賊交通密令土舍王世
選殺之酋不敢犯陞池州府同知專理江防飭營哨嚴
團練給糧皆原封六載中盜賊屏跡操江丁改亭公六
次疏薦至以節鉞重寄期之年六十七擢山東都轉運
同知盡革掣鹽常例巡鹽臺使大歎服以年老致仕歸
手書程氏四箴扁之荀江書院以勵諸生晚好讀易手

泉州府志

卷之四十八

明循績

全三

評二程及楊氏易傳與布衣黃文炤論學必依程朱虛
齋正派課督諸孫作文指畫宗旨娓娓不厭卒年九十

孫孕昌

採筍堤集
徵日草

李繼華晉江人隆慶丁卯鄉薦知始興縣履畝融賦以從
輕減朔望對諸生講解更賜其貧乏完聘其無室家者
始興人載之名宦所著有四書日講閩書

周日甲晉江人隆慶丁卯舉人授玉山令明敏練達興廢
舉墜奸頑懾服盜賊屏息築萬柳州改南城門修武安
塔建儒學坊石龍橋惠愛及民奉例丈田其功尤大陞

穎州牧士民勒去思之碑

廣信府志

李道南字君載晉江人隆慶初貢士性耿介安貧嗜學授
台州訓導會台缺令當道使攝之初至此去供億饋餼
一夫之辦雞黍之餽皆出俸膳之餘出十八年冤獄除
丞簿尉之設寘寘民者每按事輒於審單之後署不
科紙三字遷於潛學諭天台人立碑識去思當道悉其
廉又委署昌化如其署天台時終汀州府教授道南內
行克修官俸之餘不一私入室輒公諸昆弟

閩書

洪邦光字世龍號賓吾同安人父居正以貢司訓武進有

泉州府志

卷之四十八

明循績

全三

學行邦光嘉靖戊午舉人隆慶戊辰進士性沈靜簡默
望之恂恂然至其爲政度民便利竭蹶成之初守無爲
州州除養馬免糧田外一切歲辦不均民困賦役流移
者數邦光履畝均田酌議申請分秋糧夏麥絲絹糖油
四則以稅糧馬價照畝均攤自後垂爲定例民大便之
又註小學以訓愚蒙殷勤化導擢同知雲南府理他郡
訟獄錢糧悉得其平所過肅然亦無交往時太宰嚴公
清熟邦光治狀曰是當專城以理吾郡者已命下果然
刑清政簡士民安之秩滿陞貴州副使備兵都勻樂平

司叛苗樂禮生挾土官宋廷瓚夙仇糾衆反流毒甚慘
邦光率知府梁栴集兵剿除與指揮婁聯璧揚威定計
擒禮生誅之宣示威信於是樂平者牙九股等叛苗各
奉約束久之擢叅政尋擢按察使備兵川東屬有土司
跋扈督府將兵之邦光謂是蠢爾者招撫可服躬至其
境勘處土司感泣聽命邦光在都勻時嘗條地方事失
僚長意已僚長撫黔修隙因以黔藩事論調邦光念父
母老馳至家杜門掃軌朝夕侍奉未幾卒所著有三則

要言

舊志叅雲南貴州江南各通志

泉州府志

卷之四十八

明循績

八十四

李文簡字志可號質所同安人嘉靖戊午舉人隆慶戊辰
進士知無爲州甫離書生老練若素吏撫綏安利不搏
擊以取名然法所不可萬夫不能奪地當衝道極力節
約困者以紓囊無長物民有口碑遷肇慶府同知州人
擁道攀留志去思焉肇爲制軍開府地重劇事多屬辦
批卻導窾恢恢游刃總督石汀殷公宏才大畧文簡以
謹節濟之不斤斤希指而殷敬重之郡縣缺必委署焉
治一如無爲會征羅旁以監軍在行督剿決策厥勞懋
焉臺使薦牘有貌古於僧署清於寺之語人以爲實錄

秩滿入爲南戶部山西司郎中卒於官未竟厥施士論惜之

閩書叅清白堂稿同安縣志

林繼喬字思遷號前峯晉江人隆慶庚午領鄉薦署新安教諭講德課藝文風丕變有貧士管學畏割俸資之二年竟聯捷去遷海陽知縣民間毒縊圖賴命案登時核驗開釋權稅廣濟橋如額而止不取贏有上舍入於獄直其冤伺覲行盛鏹爲贖峻卻之有淫僧被覺乘閒致金大怒論如法在任五載大著廉名僨輩見其所爲笑之曰是其家有逐錢鬼不然何苦如是擢均州守有泰

泉州府志

卷之四十八

明循績

八十五

和山中貴人奉祠事客使絡繹繼喬節煩費調供億治不擾而法平恕有同官喜刻急民多以鞭肋斃襄人謠曰逢某官則死逢林守則生歲飢設法賑救富人感其仁輸金出粟繼喬親往村落散給不假吏胥全活數萬陞南京刑部郎出爲思州知府播賊煽亂朝命督諸方面甚急繼喬亟趨命至沅州卒年六十二海陽祀之名

宦

閩書叅家傳

楊日采字原白號端石晉江人隆慶庚午舉人授羅源教諭卻贄餽集士講藝割俸佐課膳日夕爲品隲分校江

西所拔皆名士太史劉孔當銓部吳仁度其著也遷安東令苦河溢修堤障之招流移墾荒土力請蠲貸清理鹽稅改折漕糧勞來商旅疲邑改觀有巨豪積隱占詭販諸奸狀捕治之羣奸屏息旁邑懸獄多委訊焉暇則興學育才賑貧士舉孝旌廉賢聲懋著登薦剡二十有三擢南刑部主事以積勞致病歲餘卒初日采叔父士中丞潮郡析田產子姪均之日采卒後餘空橐而已人稱其刻志砥樹無負先德

舊志參閱書

許國誠字鼎臣晉江人

隆慶庚午舉人萬歷癸未進士

授西安令西安地

泉州府志

卷之四十八

明循績

六

劇且輪蹄輻輳稱難治國誠莅以寬和事存大體冠蓋往來廚傳迎送皆有定式長年聽役于官者差次先後著爲令累以戶部郎出守鎮江郡故工機杼羅紈繒綺衣被四方國誠未嘗以寸絲入橐滿考銓部奏擢臬憲二十餘疏皆不報掛冠歸弟國瓚

聞書

陳節晉江人隆慶庚午舉人萬歷初授臨高知縣凡仕海外者率以遠地越軼節洗手自將政務寬簡辭不受受獄無淹滯奉檄丈田廉謹不苟暇則召弟子員課試經義誨之瓊俗華費節清儉異常其賞弟子員錢數十文

而已有時趨府歸老穉迎謁如家人父子入覲泣畱不獲勒碑紀德瓊人來仕於泉與泉人自瓊來者具言瓊令數十年無如節也

閩書參廣東通志

周良寅字以衷號象材晉江人四會令茂中子隆慶庚午辛未聯第進士歷仕至戶科給事奏疏通錢法兼管光祿寺值慈聖太后千秋節內票取數萬金頒賞內戚近侍良寅上惜費疏得停罷轉刑科都給事張居正丁艱六科會議疏畱獨不署名曰吾不以終喪請而以奪情請即出爲浙江叅政逮入計向所不合者皆居要遂謫

泉州府志

卷之四十八

明循績

七

靖州判官遷寧國令解組歸良寅能書有詩名黃克晦稱之曰周公後來之雋旣脫籍放浪江湖閒其家蕭然不問也

通志叅閩書

林一材字以成號玉吾同安亨泥人初名一雉隆慶丁卯舉人辛未進士改今名授南禮部祠祭司主事於典禮多所咨詢勒成篇帙陞郎中丁外艱復除戶部河南司郎中議宗藩額外陳乞又題糧額必準宏治十三年例不許浮增邀功時張居正方行丈量法一材倡議無浮糧州縣不得槩丈以滋擾擢太平守革鹽號以惠商分

稅契于屬邑郡俗多誣命之獄爲細辨折嚴遣償澆俗
頓革至于文昌宮火而天雨反風鳩工砌圻而怪魚斂
馨人頌神君遷浙江副使備兵金衢則重繩永康之焚
吏諍畱預備之倉穀卽上官側目不顧晉雲南叅政裁
軍伴分礦稅臨元一道遂爲冷局滇撫蕭公以邊才薦
調山西叅政以煤孽左遷冀南副使訓練綢繆引馬泡
泉以入學宮設立名籍以束藩宗布泉鋪行毫無濡染
以親老乞近地尋擢廣西叅政丁內艱歸汾人建生祠
祀焉一材樸心質貌不干外事至地方利病則侃侃不

泉州府志

卷之四十八

明循績

全

諱如奸商以涪鹽爲官場謀設運同分司總之又如浦
頭河泊安民巡檢皆害多于利者力陳其弊于當事而
疏汰之迄今便焉屢膺賓禮年七十九卒

採清白堂稿
叅同安縣志

楊佩訓字維式號仰桐晉江人隆慶庚午鄉薦第二人辛
未聯捷進士授戶部主事丁外艱服除仍補戶部權潞
墅關稅搜蠶剔蠹無使胥吏漁穴酌歲課若干大率徵
商船若干定爲額稅半額蠲其五稍及額蠲其八及盈
額卽弛不征鑽橋例可數百金他無名征倍是一切報
罷諸便商而無病於官者刻爲潞墅事宜後皆遵之事

竣卻羨餘不受解庫者溢舊額之半大著能聲帝命監
徐洪兼董水部分司如治吳關狀櫛風沐雨設法通漕
漕艘藉以無失北者先登南者迅下商船民艇稅抽如
法足額而止東南轉運粟解至予官軍餉令給食者分
給無後時例有抽耗金佩訓毅然曰此何例也亟去之
下令主餉官無侵尅有指揮犯者請於朝削其封例由
是除他裁革多類此三年遷四川叅議駐劄涪州故事
藩叅司牘但省城與上下文報荅相可否佩訓不喜陰
陽人意持讞如山吏憚之會有大木之役直指郝公欲

泉州府志

卷之四十八

明循績

八十九

論州縣科派者七人合州牧劉與焉劉居官廉佩訓挺
身白其寃郝怒甚先是郝司理姑蘇與佩訓濳墅周旋
不快意至是修前郝又是時憲副漆公忤權相再起備
兵川東佩訓雅重之相得甚歡郝忌漆直論去之道涪
畱飲十餘日始行郝偵知益怒又是時父老百姓伏闕
上劉寃朝鞫死過半民呼寃益急劉得不去官郝疑佩
訓所使益怒疏論佩訓調廣西叅議在粵一年臨事慷
慨不激不隨正已率屬馭之以法徭獯爲亂爲總督畫
策發蒼梧兵討之徭卒平擢桂林副使而修劾者復調

之四川備兵敘馬瀘蜀道之難三州比涪倍之舊時漢
夷雜處自臧會忠平設平山治于馬湖郡憲使由長寧
徙鎮其地視他路屹然錢穀甲兵刑獄發興如蝟游刃
應之釐軍實慎封守飭行吏無生事戒上會無侵掠按
行屬郡偵其貪廉勤惰以聞人人惴懼三郡久無甲第
召士爲文捐俸出賞馳其駟上下之文學斌斌自是巍
科累掇馬湖遭火延燒千餘家發粟出賑全活萬計烏
撒酋長故子阿六阿七爭立兩臺檄二藩司議不決佩
訓至一言而定播會楊應龍習亂有議撫者爭之曰虺

泉州府志

卷之四十八

明循績

九

不摧而蛇若何亟上三策請征當事委佩訓西路監軍
會北路兵失利軍中傳檄退兵佩訓沮之令堅壁如故
獨與將軍趙在彬殿後以歸於是言剿者盡如佩訓議
五年累登薦剡轉叅政未幾御史彈巡撫波及左遷歸
抵家數月卒佩訓孝友天植祿貲所餘悉畀弟及異母
弟爲人溫恭未嘗以賢智先人顧其氣嶽嶽亦不能下
人坐是屢中貝錦時論偉之

採景璧集

趙日新字用甫號潛齋晉江人恒之子嘉靖戊午舉人隆
慶辛未進士知分宜縣下車會檄賣嚴相高籍沒產贖

版繁錯黠胥乘日新初任計於中漁利日新受簡一目
無遺寸田尺宅莫敢眩舞問民疾苦興除皆中窾諸桀
黠者擊斷之不少貸四境肅然性峻潔微賦聽民自署
多寡投匭中毫無溢羨革押班役最便宜民鞫訟發摘
若神某甲子愚鄙奉母不能得懽母驟病卒里人以懟
逆誣之吮削殆盡而實非情也日新從郡城歸過其里
假寐輿中若見婦人爲子訴首末甚悉亟呼訊之爲昭
雪民有兄弟叔姪相訟者徐爲寬譬俾自悔解有某子
甲求終訟不已叱之曰吾持三尺按若易耳第凶橫者

泉州府志

卷之四十八

明循績

五

且有鬼責其人出邑門隨道斃人益駭服諸贖錢多省
免邑苦虎患牒禱諸社翼日虎自至頽首就檻觀者神
之郡司理某奉檄會督嚴氏沒產酷急株連爭之不屈
司理桔嚴氏耕夫督賣其耕特甚亟日新曰耕特自農
家有於嚴氏產奚與立破械出之曰予請任其咎司理
積憾日蝥之竟左遷改旌德諭遷國子監博士轉監丞
甲乙文藝兩司成不能易晉戶部主事告歸弟日崇另

傳日榮尚氣誼以貢爲沛簿子世典世徵

閩書系西江志

趙秉孜字恒守號益齋南安人嘉靖甲子舉人隆慶辛未

進士爲戶部主事凡關門權場一切辭免以不能阿意
上官左遷靖州州同甦儻役久困之苦稍遷嚴州通判
興遂安水利灌溉民田民比之史白文鄭擢池州同知
一再署篆咸冰槩自持卻鍰金數百消江上萑苻巨奸
時有兩省廷奏互爭之田久不決秉笈片言立剖大著
能聲宋包拯故守池池人語曰前包後趙以養歸不數
月而父歿終天無憾林居二十餘年薄嗜寡營道與世
亢閒亦理煉心繕性之術自適其適泊如也趙公心堂
來撫泉以都中稱宗盟冀得晤炙終不通一刺沈監司

泉州府志

卷之四十八

明循績

九三

躬詣山齋不見而還其餘郡邑長接軫款門俱不見一
面人比之魯段干木太守竇子偁以高風邁古扁其門
爲引曰益齋趙先生者志遊滄海笑咏清風傲世忘榮
節高味古不可不見卒不可得而見也

舊志參通志閩書

霞棲藏藁
南安縣志

張會宗字子震號澄江晉江人少有聖童之稱原名九鼎
十三歲應御史觀風試御史異之錄補郡庠後督學使
者以御史爲侵官錄士也落之遂入粵寓籍于潮之澄
海入邑庠有聲歸至黃岡爲賊所劫被三鎗斃而復甦

隆慶丁卯舉粵第二人辛未第進士授太常博士帝躬親祀典會宗贊裸趨蹌見每屬目以不附柄臣遷兵部主事督武學出守台州六年調岳州爲守廉平簡易好與民興利其在台時出寬滯數十獄開支河歸廣東湖築興福塘鑿嵩山港引水溉田水患遂除會大計考功郎欲處其屬令廷折之侃侃左其意郡豪貴遂乘是齟齬調岳州值旱澇頻仍民居延燒救災賑飢煩苦倍之與民興革量田定稅築堤繕城荆藩構獄累歲不決反覆停讞備得其情諭以東平河閒之誼諸王感悟巴陵

泉州府志

卷之四十八

明循績

五三

俗悍好爭罪其峻訟者以鼠牙雀角譬曉之俗頓化政先撫字後催科賦稍不前停其俸夷然也屬邑令至爲民語郡公勞狀民感激爭輸課立稱最遷雲南副使甫及任而前考功郎據津要復修舊却遂解組歸會宗爲人慷慨性豪飲胸中灑落無繫初雖困踣意氣自如未嘗少挫居官無鬪捷一守匏繫十二年若不知爲偃蹇

也歸謝安亦居益瀟然事外云

舊志參景璧集

張宓字仲初號桂原惠安人岳長子以岳任按前軍都事轉右軍經歷復調宗正府隆慶中知慶遠府府轄南丹

東蘭那地三土州守往往受其酋貨物與爲市必謝絕
之三土州有所侵我都亮諸里下檄索之如故籍酋度
不能嘗必所欲竟以侵地歸一酋資緣進服色業得上
官俞矣第借郡牘取成事必覈無當特報罷必吏事最
精務在疎文網崇實政革稅賦之羨嚴官市之禁爲課
程校士建尊經閣備 文廟樂舞新州邑醫舍人文改
觀淫猥嚴而有恩曩時伏莽者皆遁跡諸日兵虛糜歲
餉爲核名籍汰冒濫省絡無算府江之役士酋赴徵調
所過騷擾至境無敢譁者三年閒猺夷讐威信而獨土

泉州府志

卷之四十八

明循績

九十四

酋怨刺骨已謁臺使道溥一夕卒溥民哭曰此故張制
府子也慶民亦追哭之喪歸發敝篋獨有故時衣慶人
思而祠之弟窩

閩書

劉詢英字汝元惠安人隆慶中以貢宰分水捐舊例絕請
謁苦槩爲官邑有三蠹赭山者肱篋者圖賴者一皆屏
跡歲蝗魁取蝗吞之因而齋禱夕果大雨蝗從中去竟
以介鯁忤當道徒步抵家行橐惟圖書數卷益無斗儲
戶無升糧分水人祀之名宦從弟會按察使春知府

閩書

參惠
安志

林敦忠字恕甫號錦山晉江人幼有至性八歲母歿權厝
叢間每朔旦輒省視哀哭如成人長爲諸生步趨舉止
折矩準繩同業生望見輒目爲有道先生前後督學咸
旌異焉奉新蔡公國珍嘗集諸生講學敦忠拱手徐前
日中行難得狂者天資儘高若狷者痛自刮磨掃卻枝
葉從本根着力亦自覺有灑落處蓋自述其學也蔡稱
善者久之年五十父歿寢食苦次竟年葬時手築堂斧
操版鍤與工役雜作夜宿草間人益重其孝郡司理袁
公延爲子師豪家持數十金請關說笑曰驟溫飽不祥

泉州府志

卷之四十八

明循績

九五

且書生奈何干長吏權後其人寃狀得白袖金來謝卻
之有故人以武功顯驕穉不勝來謁策其必敗謝不見
致十金爲壽不受後果敗應歲貢授南陵訓已遷諭海
澄教授興化所至皆立模楷諸生翕然敬信及門士先
後幾二千人接人恂恂一團和氣而於義利之關斬如
海澄爲生祠南陵莆陽伐石紀德嘗手編操守器量學
問韜晦取與義命省刑救弊賑荒恤下十餘目引古人
言行附以己意令子佩之歿後三庠並記名宦泉祀鄉
賢子學曾學閔孫維暹俱見選舉志

舊志蔡雲臺藏葉
景璧集

黃喬棟字以藩晉江人恭肅光昇長子性至孝每父怒終夜跪寢門外不命起不敢起爲郡諸生以蔭入官授南中軍府都事轉治中擢雲南臨安守在叅軍府時有賫表之禮堂設儀仗一御史雙燈導甬道上與鴻臚贊禮者競喬棟正色折以禮法御史愧屈守郡廉甚訟牒緩不能足積穀之半以薪俸抵之礦場例金及土司餽遺一切謝罷念父春秋高凡四陳情始得請入門行李蕭然子舍侍立未嘗晷離父歿終身廬墓貧薄人不能堪著書自適至老不倦有恭肅之風焉所著三禮輯義十

泉州府志

卷之四十八

明循績

在六

三經傳習錄讀書管見老子解詩經名物考希幽集咏
無益子集藏于家子暉事喬棟亦至孝

舊志

康士迪字彥哲惠安人都事朔長子馴飭勵學選貢銓丞
無錫而理捕最劇俗勁鬪士迪懲其尤者稍斂戢又水
陸關常藪盜盡偵得其奸狀主名盜賊屏跡讞獄得情
民無冤者嗣丁外艱補任合浦治如無錫調王府審理
歸囊橐蕭然鄉邦三致賓席卒年七十六

惠安志

泉州府志卷之四十八終